



長治縣志卷之二十六

山西通志

知縣事沐陽吳九齡景文甫修

藝文

國朝

龍山得句

萬代尚

郊行眺南山山色積空翠古嶺出雲烟秀峯繞松楸  
馬鳴曙靄中鳥散朝陽外野曠綠草茵高岩白石怪  
爽氣入平楚涼颺響幽籟似此勝境清心目兩忻快  
願言謝市朝所志甘依在

新修

地方文獻

01469

(25100)

長治縣志

卷之二十六 藝文

長治縣志 卷之二十一  
秋日偕諸同人登塔嶺

結迹趨南山披衣陟元境煥然象界懸  
迷矣塵囂屏壯殿聳巍觀山同太古靜  
叢林列青松香臺依翠嶺凹凸通透迤  
高低備幽靚聯座問黃冠繙經可起惺  
茲晨幸休暇杖屨同人併風葉逐杯翻  
巖氣侵衣冷摩厓認舊題臨流鑑清影  
夷歌調轉悠暮歸興猶逞砧杵亂秋聲  
榻燈留夕景相對結跏趺聞鐘發深省  
百穀山 周再勳

崧高排寥廓逶迤入路長峯廻見蘭若  
石磬聞上方幽花和口氣雲露俱生香  
傳聞古聖人啣草辨溫涼稻黍得上黨  
粒食衍椒芳黃鐘起累黍律歷開文章  
廡貌尙高古牲璧留千霜草深饒藥氣  
煙老帶鴻荒嵐高融翠乳雲窗迸元漿  
甘冷芳以冽激激成球那功德蓮花漏  
波澗翰墨場名山經洗發臺閣有輝光  
鏤題山骨破霞皺爲雕傷以茲靈境辱  
封洞絕漁郎蛟龍畏澗走神蘊闕坤房  
窮人遂罕至塊然惟荒蒼深谷成混沌  
依稀返農皇

天臺山慕謁王覺斯太史題壁詩

長治縣志 卷之二十一  
太史曾遺墨文星共客星  
葦苜防剝蝕阿護借山靈  
暮榻愁難肖摩挲每數停  
老僧珍重否堪比換鷲經  
五龍山松和閻紫琳  
程正緒

赤松何事者環響似彈棋  
夙負嵇康骨非同京兆眉  
風霜知己熟鱗甲具於茲  
寧第蛟龍窟鶴鷄亦借枝  
暮春友人招游石佛寺分得紅字  
栗瑞

三月烟雲散綺空聊緣石磴藉芳叢  
茸抽古栝鋪濃綠杯落殘花映瘦紅  
谷隱洞簫聲細碎風飄歌曲字  
玲瓏憑高恍覺人如蝶欲駕扶搖叩上穹

咏四正

趙秉中

喬木從來未有佞標梅今已詠愆期  
誰知豕突蛇吞日便是花飛玉碎  
時墜馬幾回衝賊怒誓心一死重  
民爨可憐臂斷生難續徒使才人賦挽詩

上黨課士分韻十口菊

蕭來鸞

九日纔過氣愈涼蒼苔楓葉觀花黃  
強留欲別佳期外忍去猶侵綺席傍  
漫爲名題分甲乙忽經節罷惜芬芳  
鼎香御史潭間事拂瀾欄杆送文陽

百穀山寺

姜愷

長治縣志 卷之二十六  
登山尋曲徑酌水倚琅玕泉發流偏遠峯高暑亦寒  
雲房天煉石古帝藥成丹嘗穀洪濛事千秋此曠觀  
偕友登五龍山  
關其生

輕襪可开肩選勝艷陽天風動蒼虬吼雲來白石連  
繡茵鋪有榻好鳥奏無絃一醉忘歸去和衣抱月眠  
五龍謝雨  
陳汝幾

馬踏雲山徑路高樹頭風脚靜蕭騷已知神物爲霖  
意須念農夫促澤勞頓使菱苗如日振那回恬壤作  
春膏懶動本是諸侯事看取當年魯史瑤

深秋遊青雲寺用石上原韻  
周培誥

秋花如織嵌崇崖四顧羣峯入座來烟樹萬家村  
邈琉璃一片閣崔嵬登巔沈與雲霞侶弔古廷將歷  
數推坐久涼颺催客去祇留短句伴蒼苔

蚤春登五龍山壁間原韻  
錢國璽

星聚同看斗柄回焚膏相對一啣盃西園揮塵頻驚  
座東閣裁詩欲放梅選勝預排雙蠟屐探奇應上五  
龍臺游成獨唱陽春曲莫爲巴人寡和哀

前題

盛重輝

鎮日行遊晚騎回聊將山色佐深盃雲間錦字遲歸  
鴈笛裏關山聽落梅松似虬龍爭赴壑人如圖畫並  
登臺五龍幻迹留今古極日風烟動客哀

前題

馬安

憑高吹徹紫雲回濟勝頻傾藍尾盃遙壑暗生三里  
霧臨風望斷一枝梅翠微入畫依殘照青玉流針映  
古臺良會不須羨七子狂生清嘯亦堪哀

暮春遊塔嶺

熊其生

尋春忽又逢春暮相對東風莫怨嗟翠鬢新沾連夜  
雨畫屏高接半天霞歌來豪興山山響酒漬詩腸字  
字嘉當惜隙光留不住英雄頭上雪堆髻

中秋校士上黨漫興

徐謂弟

絳紗懸處樂從遊別有清輝勝庾樓淵藪人文歸上  
黨乾坤皓月屆中秋却疑宦海債書債謾憶家園醉  
酒籌滿地金波渾不夜藜光復映大行頭

遊百穀寺和韻

栗千秋

竹瀨松臯貯石烟斗龕深蛩叩醯天題詩豈懼名爲  
瘦草字猶疑媿作顛礪齒蹲窻存怪石濯用透壁響

長治縣志 卷之二十六 藝文 六  
流泉青萍已向床頭燼逸籍從今學少連

五龍山和張原仲

栗千仞

縱目山巔敞不扁華胥清夢若爲醒  
荒苔爽駭迷殘碣怪石參差映草亭  
明滅村頭千樹碧高低天半幾峯青  
松風謾謾來襟袖擬向蒼茫寄我形

七夕客上黨有感

魯兆嵩

平生易感不因秋何事茫茫說女牛  
寂寞今宵梳洗閣繁華當日看花橫  
他鄉佳節憑詩記故國名山任夢遊  
羽檄紛紛猶未定琴書那得便消憂

早春登五龍山用壁間原韻

程憲

扶筇鳥道路紆回歷險尋幽一舉盃  
石徑松深風似瀑翠崖雪積樹疑梅  
天邊路指千重嶺塵外雲封百尺臺  
巖壑儘堪供醉墨接羅從倒不須哀

前題

蘓昌臣

登臨未盡意遲回塊壘應澆酒百盃  
弔古那堪聞塞鷓寄書何自折江梅  
雲龍已散今無影梵宇重新有舊臺  
憶昔盛時歌舞地遠天橫笛不勝哀

前題

任進爵

偶向平原縱獵回  
龍山憑眺共啣盃  
折腰媿我如風柳  
清氣惟君似墨梅  
千里烟雲歸遠岫  
一天烏鵲遶荒臺  
誰憐民力於今竭  
欲繪丹青黯自哀

前題

魯宗恕

滯迹天涯未許回  
萍逢日盡手中盃  
人騎驢背因歌雪  
身在松林爲憶梅  
旅況不堪頻付酒  
鄉思惟有登臺東  
君若解遊春意輕  
送微風散客哀

咏月航小竹

徐葵

蕉葉扶疎倚翠簷  
清茶直接令君香  
一卷螺石魚經雨  
七尺琅玕獨耐霜  
蘇子漫言筠比節  
劉伶須信酒爲腸  
同舟總是勞薪者  
好向溪流賦野航

前題

呂和鐘

蕭蕭霖雨灑幽篁  
枝葉扶疎覆檻香  
鳳食啄餘千畝寔  
龍吟吹出九秋霜  
聞將薄宦淒清况  
寫得詩人錦繡腸  
媿我無能隨利涉  
快將一節泛殷航

前題

李岸

湘江分得幾疎篁  
別築紆迴徑自香  
庭繞青陰晴似雨  
床留明月夜楓霜  
琴尊臥理饒詩思  
晨夕論心見



雪腸我愛幽齋頻過醉依然書畫一輕航

前題

陳璩

槐庭又見植新篁翠映花城別有香勁節嶙峋凌皎  
月清風瀟洒徹元霜枝因滴雨試詩韻籟逐流觴潤  
酒腸須向竿頭逾百尺濟川應用作舟航

送陶季之潞州

王士禎

先生昔日登武夷鐵船峯頭看奕棋中冠離支三百  
顆酒酣自劈輕紅肌空頭爛睡忘甲子坐笑曾孫生  
白髭張帆伐鼓下黃鵠欲隨三湘窮九疑披襟蘭臺

發高唱快哉不辨風雄雌平生名岳屐齒遍風塵京  
雒嗟衣緇投我奇文浩千頃蛟龍大澤纏蹉跎謂我  
四海一知己譬若莊休從惠施高齋茗飯坐清晝風  
爐活火分槍旗我時無事似犀首酒鱗浮動銀留犁  
豐臺紅藥花照眼驪駒忽告將西馳壯心猶作驥伏  
櫪適志無如泥曳龜我聞上黨天下脊當年潛邸傳  
臨淄飛龍荒宮沒烟莽斷碣髣髴開元祠紛紛梁晉  
夾河戰鷁兒萬騎陳軍麾錦囊負矢勝意氣歌聲慷慨  
留三垂時平不用弓箭手空老昭義於熊羆戰場

下馬問亭長鬼燐颯颯寒飈吹君家草堂臨射陂門  
前五柳藏東籬何時單舸徑歸去北窗高枕談黃義  
夏夜宿小松窠

程之琬

百尺松遮百尺樓林深路仄境多幽晚風戛樹濤爭  
吼晨露連烟翠欲流向處鐘聲驚客夢無端鳥語喚  
人愁幾時得踐溪山約熟讀黃庭煮石頭

同康雲倬昆弟游天臺

程之瑤

數年踪跡隔天臺爲覓胡麻飯又來二水波澄鴛鴦  
集千山日爍杏桃開爭修牆屋緣豐歲多蓄雜豚見  
阜財莫怪此鄉風古補天原有聖人才石處

題寶岩寺

花園村踞太行巔上有古刹栖枯禪入夜金燈徃徃  
出乍明乍滅樹林邊觀燈佛子歸佛力自我思之恐  
不然中土無佛山卽有此燈燦爛幾千年非從白馬  
馱來物不稽之語莫輕傳暇日偶看草木子謂燈皆  
是山靈宣明珠一顆能潤浦良玉一片能輝田寶藏  
之興萃陵谷自然光怪冲雲天峨嵋簡州衙嶽地匡  
廬天章太白前到處有燈驚耳目豈皆大竺種奇緣

下馬問亭長鬼燐颯颯寒飈吹君家草堂臨射陂門  
前五柳藏東籬何時單舸徑歸去北窗高枕談黃義  
夏夜宿小松窠

程之琬

百尺松遮百尺樓林深路仄境多幽晚風戛樹濤爭  
吼晨露連烟翠欲流何處鐘聲驚客夢無端鳥語喚  
人愁幾時得踐溪山約熟讀黃庭煮石頭

同康雲倬昆弟游天臺

程之瑤

數年踪跡隔天臺爲覓胡麻飯又來二水波澄鴛鴦  
集千山日煖杏桃開爭修墻屋綠豐歲多蓄雜豚兒

阜財莫怪此鄉風最古補天原有聖人才

女媧煉石處

題寶岩寺

花園村踞太行巔上有古刹栖枯禪入夜金燈徃徃  
出乍明乍滅樹林邊觀燈佛子歸佛力自我忍之恐  
不然中土無佛山卽有此燈燦爛幾千年非從白馬  
馱來物不稽之語莫輕傳暇日偶看草木子謂燈皆  
是山靈宣明珠一顆能潤浦良玉一片能輝田寶藏  
之興萃陵谷自然光怪冲雲天峨嵐簡州衙嶽地匡  
廬天章太白前到處有燈驚耳目豈皆大竺一種奇緣

儒者所言良不誑霧釋冰消何惑焉鄴下崔生名下  
士流連景物題詩篇才華俊逸但佞佛佛日豈借燈  
增妍我作此言告來者讀書明理莫牽纏山歸山兮  
佛歸佛鑑朗衡平兩不偏

黎莊夫人墓賦

權能御世德乃服人侯城已古婦塚猶新何山河之  
帶礪輪封樹之嶙峋人之欽以大節世所重以懿倫  
月穿雲而作鏡花繞岸以鋪茵雖憐疎于昔日寔取  
重于斯民若夫比目稀懼並頭窄快量屏荆榛胸驅

芥蒂雖傳母以勸歸俟丈夫而不懈志比石以常堅  
心如金而莫壞惟烈女以堪師豈狡童而足怪縱狂  
惑以不回忍芳修而有憊嗟衛土之多淫乃夫人而  
獨介蓮出萍以無污玉遭焚而弗敗宜女子之孤墳  
下男兒之肅拜笑當日之通侯等浮雲之永邁吁嗟  
乎入宮見妬掩袖工讒楊環婉轉趙燕呢喃縱專房  
而足樂寔遺臭以堪芟溯漳河之淼淼眺藍嶺之巉  
巖倘執斯以較彼洵仰聖而殊凡旣而衛女風高黎  
侯名附七尺不才分光老嫗知道義之難磨慨榮華

長治縣志 卷之二十六  
之不住縱千乘而吳矜惟五倫以足慕

昭覺寺賦

惟隋唐之嗜殺故梵宇以繁興蓋英雄之氣短匪清  
苦之情凝遡世克而掃蕩斯昭覺以哀矜選名區而  
建刹集盛侶以延僧露珠甘而共洒蓮域淨以同昇  
詔慈悲而可痛情恐懼以難勝仰父兄而慚重俯民  
物以憂增仗慈航于七寺消苦海于三乘惟帝王而  
懺悔亦天地以依憑集神僧而在錫聯兩祖以傳燈  
匪中庸而可述亦鬼特以堪稱奏笙鏞而足聽望幢

蓋以思凭何九尾之妖狐册金輪之皇帝肆羅刹之  
克鋒作邱尼之末計判帝子以如羊醬廷臣而若鬻  
通白馬之髡奴幸蓮花之兄弟送淇上于僧房要桑  
中于佛第犯獅子之科條破禽王之典例嗟天竺之  
如來棄儲君而若蛇等富貴于雲浮比姬姜于屣敝  
薦淫殺之馨香真凡庸之醉藥迨妃后以飛殃爰洛  
陽而避厲禍無地以堪逃死何人而可替驅象馬以  
經駝刻楞檀而像製伊婦女之蒸亡實丈夫之悖戾  
效責備于春秋覺詒謀之莫貴

春游秋谷

閻必卓

秋谷乘春入風柔氣若薰參差松貌古爽駁石巖文  
塔影渾摩漢鐘聲半落雲琳宮開磴道攀處翠微分  
其二

忽怪輕寒逼峯陰雪尚餘風吟搖鶴夢雲宿割僧居  
望遠增懷古凌巔欲步虛從來饒野興茲擬結衡廬  
五龍松色 八景 于公允

獨步南岡眺五龍殊材恥受大夫封樹傳鱗甲浮丹  
珀枝吐烟霞燦碧琮天矯氣浮寒雪畔蛇蜒影拂彩  
雲峯慕容事業今何在 一派流泉聽古松

白穀寒泉

百穀山前蓄雪澄一泓清冽瀑層陵溪聲細帶寒風  
響苔影橫披曉露凝霞度深林驚宿鳥月迴閒岫照  
孤僧秋原老樹神農廟電後誰來薦豆登

天臺無影

建木天中曉日熒悠然宜榭亦宜亭晷凝野樹山容  
碧暉射晴嵐石貌青遙睇白雲驅芥蒂俯臨藍水蕩  
虛冥望兒臺上迴風馭始信媧皇握巨靈

瑞閣餘聲

百尺巍臺想繡楣  
瑞圖應運世多奇  
東迎王屋聯佳氣  
西對虜祁映日曦  
帳望長安今日淚  
笙歌潞國昔年思  
幾回登眺空遺跡  
蔓草荒烟白鶴逶

月印龍潭

天空皓魄映衡漳  
遙望橫橋意渺茫  
鹿谷原分碧海淨  
鳩泉波引玉輪長  
川非祇受盈蟾影  
月不偏辭濁水光  
一片冰心臨曉鏡  
忍將擘食脆如霜

雲封壺口

古峽壺關扼馬奔  
劃然天險勢何尊  
咽喉百戰思前事  
洞口雙屏護小村  
高峙危峯窺石頂  
深涵流水注山根  
虛中不碍車箱路  
遙望山頭雲霧屯

漳水拖藍

環漱鳩泉靜若雲  
懸觀千仞注平濱  
欲從滏水調溜合  
先作涇流與渭分  
魚樂空潭翻若葉  
鶴鳴淺渚拂苔紋  
安瀾折入津河遠  
丁水巴江安足云

雄山齊翠

危峯拔地立南方  
烟錦瑤蓼燦碧光  
泉注洶河千澗

長治縣志 卷之二十六  
冷風迎滌國萬松涼巉巖曾構司空宅斷碣難尋學  
士堂眼底名山咫尺在休教寂寞挺孤芳

五龍松色

魯兆嵩

散步城南眺碧峯亭亭百尺萬株松畫成空谷龍蛇  
活呼動逞天風雨濃出世何須秦錫爵棲巖不許漢  
來封遊人睡醒丁公夢坦腹林間笑慕容

百穀寒泉

嵯峨百穀湧清流讓水廉泉莫與儔雪噴山根寒落  
口雷鳴石骨亂深秋一塘生意橋邊貯終古天機浪  
裏浮不信當年川上語滔滔時看注湮溝

天臺無影

覃懷倒影最爲奇無影於今復見茲曉日平鋪融嶺  
碧斜陽四射轉陰遲不妨鳴雨鏗林葉豈作飛巒蔽  
野曦世俗相傳天是補媧皇煉石有誰知

瑞閣餘馨

看花梳洗已荒涼瑞閣空臨酒幾觴白鶴不來雲自  
舞飛龍何處鳥徒翔山川依舊連王屋景物蕭條接  
太行寂寂秋原懸夕照金橋遙指嘆明皇



月印龍潭

臨流相看月華明七寶光輝漫自評  
素影沉天擘碧浪寒潭借采漾  
晶英忽聞澎湃來中夜偏不泥沙污  
太清拋石驚龍龍應識甘霖時洒潤蒼生

雲封壺口

何年鬼斧削厓巖郁郁紛紛景自宜  
峭壁中虛分太極雙屏吼峙盡金枝  
溪聲帶雨鳴山脚樹色含春生  
石帷村內誰家賢士隱徘徊雲氣合生疑

漳水拖藍

圓珠方玉望中陳泛濫蘆灰漳水濱  
拔劍何年波自息燃犀此日照難真  
鳩泉不類臨淄竭鹿谷還知鸚鵡均  
切切轉輪善國計朝宗曲折上天津

雄山疊翠

雄山特拔峙南谿羅列諸峯黛色齊  
玉襯林花肥湛露丹飛岫錦散晴霓  
悟從方寸通春脚省向重岳覓  
隱栖滿眼生涯隨處足蒼松翠柏盡端倪

題小松窠

張三輔

龍山勝處莫他求松蔭山窠景倍幽  
石磴斜穿雲漸

落仙樓直上鳥偏稠周遭灌木屏風去一座孤亭任  
月留無限野光迎兩眼閒來榻管一齊收

步石佛窟喜晤破蘊和尚

偶欲探幽遠俗譁朝依草徑度山家縣崖遙接蕭公

墅

東有蕭公寨相傳故明內侍建

古樹蔭垂石佛窟

山麓有洞內雕石佛因名

窟

窅錫飛隨野鶴時時語發落天花空亭問對忘歸晚

一任風吹夕照斜

登五龍山

閻必崇

五龍靈跡在嘉樹自森然落落殊多狀蒼蒼不計年

千尋陰澗壑一帶老雲烟漸到濤喧處真堪枕石眠

丙午關中步高明葉洞寅韵

閻宗衍

爾我燃藜競枝文漫言一顧卽空羣從來暗點朱衣

事去取無心付白雲

慈雲寺

王廷鈞

纔入翠微中慈雲古梵宮逐風松浪碧映日藥欄紅

壁峭千峯出林幽一徑通忽驚人語落天半一樵翁

苗孝子歌

孝子名王保其父自盛長治鹿村人事在康熙丙辰

程之珩

君不見古之孝女有曹娥父盱五日期婆婆婆婆神名銀

濤怒發蘭舟覆神巫滾滾赴江波孝女悲號朝夕發

跳入滄浪尋白骨哀感龍君風雨愁雙屍送出龍臺

窟今問孝子苗王保父中酒魔隨瀾倒扶持醉客出

煙濤親懼恐涼解兒襖且驚且痛更單寒兩命輕塵

棲弱草我聞此事悲還惜孝兒孝女聯雙璧但恨胸

無絕妙辭揮灑南山一巨石嗚呼父死而不生才力

雖短性情誠文丞相武鄉侯兩公未斬敵人頭純忠

姓字照千秋子臣若必論成敗人倫天理虞全壞王

保孤墳今何在願奠椒漿為爾拜

前題

程 愍

苗孝子爾何人年未十五鄉之民手把犁鋤不識字

孝心一念全其真隨父市物前村裡父醉歸來夜墮

水孝子力扶扶不起解衣覆父寒一身僅餘履促步

忙奔欲返家呼人好去救阿爺風烈霜寒禁不得半

途僵凍如寒鴉叫日村人路上行但見道傍死矣水

中不復生子作此蹶狀父醉未解醒相與吁嗟相與

驚歸語其家雙魂迎苗孝子爾何憾隨父死對父面

活父之心千載見我歌此事增三嘆

赴難高平

周培說

聞說高平被賊圍寸衷如裂淚雙揮老親詎耐勤防禦弱弟那堪奮武威金鼓聲中心似火旌旗影裡步如飛此時正可輸忠孝不滅豺狼斷不歸

咏周烈婦

王 璩

孤城破矣變非常焚掠成羣盡虎狼一死但知隨母弟此心終不負周郎歎歎墮馬肝腸裂慷慨投崖節義彰正使悠悠千載下貞魂雖杳骨曾香

五龍松色

蔡履豫

五龍山上遍青松色青青欲化龍爽駁似鱗常荏苒紛拏如爪倍蔥蘢濤於何處驚騰起雲本無心密過從自是靈根歸井養豈宜空羨大夫封

百穀寒泉

親營百穀錫嘉名早計滋培俾用成筮得蒙從山下出盡來坎自水中生澄泓靜結停雲濕活潑虛含皓月明乘興杳然心似洗飲懷鑿井食懷耕

天臺無影

天臺原不在穹窿蕩蕩平平色相空日月照臨都近  
正雲霞蒸蔚亦當中漫開捷徑牛羊踐肯信官山虎  
豹叢聞道媯皇曾鍊石陰陽調燮著神工

瑞閣餘馨

巍巍茲閣在前唐瑞靄應知迥異常抱犢化龍頻奮  
躍發鳩成鳳已飛翔不堪江上愁鈴雨無復宮中妬  
印章但唱開元供奉曲風流端的羨人皇

月印龍潭

信有神龍躍森漫倒邨月影幻奇觀冰輪瀉出金輪  
彩水鏡裝成玉鏡寒狡兔多情窺蟾蜍流蟾着意傍  
螭蟠請看

帝命爲霖雨淨洗星河透一九

雲封壺口

三老遺踪何處尋壺關關口白雲深由來獨扼咽喉  
隘自有雙持輔頰森如鼠如牛空羃歷是輪是布漫  
霹靂寄聲村洞高人語日月光華仰

帝心

漳水拖藍

何人誤擬濁漳名，禹貢當年紀至衡。  
波繞鳩山常白，淨源分鹿谷本來清。  
春風荇藻魚梭躍，秋月蘆花鴈字橫。  
更共蔚藍天一色，教人思染一襜盈。

雄山疊翠

雄山如立勢巍巍，綠擁青鋪著錦衣。  
雲與縫裳從岫出，烟爲紉佩傍岩歸。  
苔封學士碑安在，蕪蝕司空宅已非。  
獨有嶽岑天不老，離明分照倍光輝。

夏日同周子羽王陟初劉雲子璧汝兄用抑侄登郡

城西寶藏閣

程之珣

傑閣千尋雲影盪，披襟對坐遠風吹。  
平橋水淺環矰屋，野寺苔深蝕斷碑。  
一抹青山消宿酒，幾聲黃鳥喚新詩。  
夕陽斜掛林梢上，扶杖歸來步步遲。

招同張元臣暨諸弟初秋登五龍山卽席分韻

張皇輔

叢木參差幾萬重，山深嶂語正喁喁。  
揮盃醉遠高低路，結伴閒聞遠近鐘。  
極目連村煙樹隔，歸途古寺暮雲封。  
虬松處處濤聲湧，渾似羅浮四百峯。

登塔嶺步石上韻

李璋

足遂徜徉幾壑邱於斯登眺暫清眸濤聲忽向松梢  
出塔影遙從雲外浮卉服著身猶帶暑野花侵屐已  
成秋停盃欲繼殘碑句前輩高吟未許酬

小松窠

杜廷采

四巖松盡長此窠松獨小俯身欲下壑斜行臨樹村  
衣濕不自知但覺雲縹緲高峯望若藏深山轉幽悄  
孤亭任醉眠烟中鳴夕鳥僧院一聲鐘月白羣山曉  
萬松坡

萬松萬態非一狀鍾靈造化原奇勦畫師看之色沮  
喪筆墨經營難意匠忽若驪龍眠水中倏似長虹掛  
天上能令野客意幽閒能令奇人氣倜儻風時鶴鶴  
同來栖雨時雷電爭相向鱗甲散來飛九天寒歲逸  
情抱孤嶂泰山雖有五大夫對此能無神不旺惟願  
山靈永護持蒼官萬載總無恙

望五龍山

杜若苞

雨餘山始沐放眼坐來看不爲精神爽何知眼界寬  
蒼松天欲接高阜勢如蟠遙惹山靈笑年年着屐難  
聖泉寺壁畫龍張望久索句遂題

崢嶸角爪與鱗鬚。蝮蛇雲從若有無。若個寫來堪破壁。何人探去得擎珠。依稀射斗光仍在。想像成霖事或殊。畫卽似真真似畫。駭直堪笑葉公迂。

德風亭

栗培初

黨天留勝蹟。佳氣聚危亭。漳水呈明鏡。龍山列畫屏。開元曾紀美。別駕永流馨。德化千年被。風聲百代聽。官清民自樂。人傑地還靈。放眼城隅近。桑麻一望清。

賦得公餘來聽讀書聲

郡伯李課書院諸生

漫說書爲引睡媒。挑燈夜讀睡魔回。經從咏嘆根源露。史自談論識見開。咕嗶豈徒爭口角。文章還要出心裁。金針妙處憑誰渡。省半權迎五馬來。

龍山留題

杜又密

我欲與山言。千言說不了。但述古人詩。讀者自可曉。青松共白雲。應識我懷抱。何必登泰山。方知天下小。登龍山高閣。遠望

飛閣起山巔。登來信豁然。千郵浮遠色。萬樹靄晴烟。濤響山疑雨。心清人卽仙。帝鄉如可問。乘興欲梯天。再登龍山高閣。遠望同賦。得蒙字



長江集 卷之二十六  
豁目憑高閣重登莫憚勞漳泉細流溷百谷秀峯高  
勢迴天如近詩成興頗豪休嫌吟咏富勝景引風騷  
夏日登龍山漫興 李璋

有意避炎蒸青山不厭登風來松瀉水雲卧石埋稜  
放眼迷蒼翠呼樽醉紫藤歸途猶戀戀翹首莫烟層  
憩黃梅寺 朱錦

直穿松徑扣禪扉豈有天花墮翠微到此塵心應盡  
却不過五澗更傳衣

其二

高窻寂寂翠烟飄旋煮新茶進玉苗擬學蘇公龍井  
宿老僧風味似參寥

遊小松窠

萬松深處結禪局謾謾風生冷翠屏山半深窠龍穴  
在多應夜出聽談經

其二

拱翠樓開驟一登青山四面接觚稜松高百尺雲生  
腳人在松梢更上層

十景詩 有序

吳九齡

長治縣志 卷之二十一  
一行作吏五載於茲曾無襪線微長敢擬筆花妙  
想然而嵐光水色時引人於勸課之餘烏語花香  
謾托興於騁遊之下卽景生情不無短作彙而觀  
焉因取其名之尤佳者存若干首亦謂置諸案頭  
可自怡悅於公餘而已茲者邑志方成諸君子索  
藝文於余乃遂以是當之極知單詞細響原無當  
於大雅之譔吟惟是紀畧標幽聊藉以彰斯土之  
形勝云爾

柏谷

柏谷最高峯探奇倚瘦筇青嶽流水界翠是白雲封  
幹老應栖鶻根盤渾踞龍不知林外寺風送一聯鐘  
松窠

仄徑隨崖轉蒼茫樹色分怒濤喧密葉老幹鬱層雲  
錫影當窻會鐘聲隔岸聞誤疑金布地松子落紛紛  
留山亭

選勝茲亭上山山列畫欄花香來几席雲氣近衣冠  
地迴心逾靜天高眼覺寬翠屏開六曲不厭百回看  
問水橋

來往水之濱探幽定幾巡堤斜分燕尾波細感龍鱗  
也慕題橋客常懷作楫人不綠頻過問花落不逢津

桃洞

聞說放桃花尋芳路轉除河頭鋪錦繡洞口鎖烟霞  
有笑嬌春態無言媚日華武陵何必問卽此是仙家  
蓮池

九品蓮花淨應栽寺內池豈惟矜綽約猶得鑑鬢眉  
一愛潔因留說懷清欲賦詩一風乍起新綠縵文漪

金仙腦

若個金僊境清幽翠作堆無爐添石火有洞秘風雷  
鶴自雲邊落花從世外開尋真知不遠可是步虛來  
石佛峪

洞與佛皆石人工本自然半厓諸翠護方丈一燈懸  
磴引慈航意神通老衲綠乍教塵慮釋小坐聽流泉  
鳳嶺

翠嶺勢飛揚凌虛走鳳皇羽憑霞助翥苞借日生光  
竹實千年結桐枝百丈長天風吹浩蕩疑是噉高岡  
撫巒

北珏傳獅像狎狎鎮此邦卧雲峯叠叠吼澗水淙淙  
木客逢應避山魃見卽降自來留地軸好與巨鯨扛  
棘院試邑童子

上黨人文選滕塲春風天氣正温涼江淹果得花生  
筆毛遂從教穎脫囊語燕啼鶯皆韻府天桃穠李盡  
鴻章欣逢

聖世旁求切小試先湏著所長

賦得桃李春正華 試邑童子題

東皇乘令早排李競華新濯得如膏雨分來有那春  
嬌紅何的饒淡白自丰神洞口風翻浪邊山月作隣  
開蓮芳共賞隔岸見誰真移植上林苑相將媚

紫宸

上黨懷古

太行何迢遙上黨扶霄出憑陵潞澤間豪雄時偃息  
黎侯舊有城嬰兒故協逼附韓爲別都歸趙成右弼  
降卒四十萬一旦坑秦壁白起信不仁趙括計亦失  
炎漢郡量移中峯遙屏疑有臺熨斗存有山馬駒屹  
擊賊復掠衆從事忒濫秩善守廣阿侯陣豨枉忿咆

擾攘晉魏間紛更了不一劉琨義可原朱榮彰顯績  
當年諸道路武事茲無敵軍或昭義名府或隆德立  
或以夾寨攻或以奇兵戰或遷雲朔師或走北漢賊  
夜叉或手擒華黎或目鑄天險不可升轉爲爭戰域  
興廢等浮沉陰謀卒何術則聞博古家往往艷神物  
閒坐說元宗聖瑞指頰屈蝸結太平文墨擁龍香瀝  
別駕閣樓中紫氣俱騰拂更稱宋端王節度承帝室  
以此誇地靈兆歸天眷吉由來不可知才人恒弄筆  
在德不在險况敢貪天錫天命自有歸人和百神龕  
我來仰高岡淑景羅胸臆精衛木葱葱壺口雲密密  
百穀泉殷流五龍松蒼蔚野不逞揮戈

朝不言祥集日月冒光華萬古烽煙熄彷彿陶唐時民  
歌忘

帝力

栢谷

蔡履豫

谷口鬱深深中藏古栢森銅柯增翠色珠寶綴濃陰  
脂是京叢重根從海嶠尋雪霜經幾許想見後凋心  
松窠

松外轟窠形龍山別有靈地留千頃碧天擁十分青  
雲意閒相得濤聲靜可聽不辭石磴險峯頂立亭亭  
留山亭

不盡留山意山從此際留雲歸藏碧澗霞起冒丹坵  
拂袖苔痕入褰裾草色浮杖頭渾勿事頻贈與千頃  
問水橋

投宿當何處知津定有人一番紅杏雨兩岸綠楊春  
以彼清如許而其鑑自真彩虹垂覆道行過問前因  
桃洞

村外餘霞擁枝頭笑口翻由來天眷內自有武陵源  
不拂紅塵面端宜火食吞劉郎如過此應得識仙根  
蓮池

招提有聖泉活活獨生蓮淨植憑香土清陰漾公天  
烟霏雲珮捲風定露珠圓人鏡昭回處容叅自在禪  
金仙腦

翹首問金仙金仙去不還空從三界外長憶一峯前  
丹灶荒塵冷蒲團亂草芊凌風無限意心目兩悠然  
石佛峪

幽岩生石佛花雨一迷離頭覺能微點心寧可妄移  
苔衣延蘚髻玉骨透冰肌欲問西來意頑然不費詞

鳳嶺

鳳嶺在於斯乘風一覽之翠盤將舞意嵐起欲鳴時  
琴自雲間弄簫從漏下吹高岡洵可立况復迤

天池

獅巒

洪王初現相巨石化金精斑駁茸毛結叅差鑿齒橫  
白華懸電目風動吼雷聲佛力能相假蹄騎五行

栢谷

栗培初

蔚蔚何時栢森森古廟前蒼鱗盤疊嶂偃蓋蔭寒泉  
既與松同壽寧隨李並妍慈龍青不斷登眺興悠然  
松窠

獨傍龍山下千松頗耐看虬枝蟠蔚蔚雪幹挺九九  
濤瀉風初度陰垂雨乍寒後凋欽晚節莫惜歲華殘  
留山

悠然坐小亭極目數峯青排闥添新黛開窻列翠屏  
靈泉難暫別壺口願常停不盡依依意邀賓醉美醺

問水

臨流驚潏澹曲折水環城知是何時濬偏宜如許清  
彩虹千尺落素練一條橫欲得源頭處須從此地行  
桃洞

自是天台種移來此洞中浪翻千點赤霞起幾株紅  
灼灼含朝露天天颺晚風仙媛如可遇竚立思何窮  
蓮池

一碧擁千蓮池塘翠色妍臨風花的的澗露蓋田田  
不受淤泥染偏宜漱澗鮮常邀君子愛通直到今傳

金仙

崑帆凌青漢龍從叠翠巒樹撐千嶂外鳥語九霄間  
金積何人買仙飛若箇扳試登絕頂上一覽俯塵寰  
石佛

古寺通幽徑千年佛號新何須金布地全借石爲身  
淨質原無染清標更絕塵跣山谷裏不朽憶前因  
鳳嶺

岐山曾兆瑞塔嶺錫嘉名軒舉青霄接孤飛碧落擎  
覽輝助欲下翔仞每爭鳴引得靈禽至成文表太平



長江集卷之二十六  
獅巒

層巒連漢表雄踞類神獅峻岌形偏異狎狎勞亦奇  
聽泉疑吼出見蘇訝聳垂隱伏巖崖下康居獻有期

萬松賦 以蒼幽狀禪鐵爲韻

孫和

惟龍山之鍾秀實發脈於太行蜿蜒培乎神物蒼蔚  
洩乎麻祥繫古松之有萬隨高下而成章道一郡之  
名勝爲四祠之仰望蓋夫松之爲物也吸沆瀣之氣  
沐日月之光貫四時而不改歷千載而彌昌吟嘯風  
乎風雨天矯衝半雪霜擎空化石干若怪以角埋頭

衆木王負礪柯而顯節扼盤根而見強爾乃婆娑流  
酌正固含芳峯顛矗立巖岫潛藏離離鬱鬱杳杳茫  
茫意氣樂羣而益壯正心盟穆而彌彰鼓洪濤之謨  
謨繪正色之蒼蒼方其聳壑而紆迴也若萬叢之營  
壘而建旂及其昂霄而森竦也若萬帆之魚貫而行  
舟盤枯跨嶮峻沓積憑流寓形宇宙兮何日表異茲山  
兮幾秋登然如龍鱗之比次瘦矣似鶴影之交浮異  
其質者則顆顆之赤虬赤塵變其形者則歲歲之青  
羊青牛豈法珪之運於東嶺抑鉛松之貢於青州斯

不戀乎園庭之伴而惟栖茲岩阿之幽以故東望松  
窠其名少讓小如排竹綿延滿暢西望龍淵厥材稱  
壯合抱不交隍森保障南山之陽神路拱向矯矯亭  
亭落落宕宕北山之陂雄踞屏幃秀葉正蕤奇形怪  
狀固松爲龍之効其靈亦樹爲山之幻其相彼夫春  
華競發而茲松不闕桃李之嬌夏木繁陰而茲松不  
逐楊柳之播迨夫秋行肅殺胡爲乎茲松之逍遙以  
至冬日栗烈然後知茲松之不彫豈非太和醞釀宇  
宙而特出向榮之清標若乃披惠日而拂和風穿急  
雨而祛炎熱淨掃晴光罍密大雪龍攀虎跋固不失  
於支離鶴舞鸞栖亦時見其頽頽羅萬松於山頭而  
景象超然其各別行見不遭斧斤之傷不受塵埃之  
蟻正氣常留於太虛堅心於今而爲烈是何異大器  
之多晚成而忠臣之胆有鐵者乎

謁三忠祠

廉可旌

我來望古詣荒祠風冷虬松攪漢枝日月題標心寫  
切春秋祀勒手摩知不辭刀鏤完危卵直取巢窠破  
鬼魅生死難齊同一是英魂百代妥於斯

長沙縣志 卷之二十六  
莫鼎銘來自不磨當年心事果如何九重天上聽韶  
罷十畝田間擊壤過夢寐幾曾知俎豆功名無那在  
干戈登堂拜者休提起默默瑤空淚落多

柏谷

如龍老柏俯淙淙翠影隨波下石杠嘗草已成千古  
事山僧猶自刷靈瑯

松窠

鐵立團團幾萬層蒼髯俯首認元曾朝來步入山頭  
望一片青雲足下騰

留山

開門相見便相看蘊藉宜人畫處難小小茅庵新結  
箇何妨靜裏日盤桓

問水

一灣西去轉清漣畧似如霓百丈懸混混原泉何處  
是乘槎我欲泛張騫

桃洞

蒼巖翠壁小橋東一帶清溪兩岫紅重渡漁郎難覓  
處笛聲時下牧牛童

蓮池

菩提寺下葦航西  
多少游人不忍歸  
莫道斯無了  
者箇中端得隱濂溪

金仙

金母何年下集靈  
南雲高處想曾經  
邇來時向山頭  
望草色猶含鳥羽青

石佛

笙磬如何出翠微  
巖山寺冷禪機  
頑然偏有西來  
意想自天能聽法歸

鳳窠

塔影孤盤碧漢撈  
無邊佳韻落風輕  
若非鳳鳥招徠  
處那得時聞嶰竹聲

獅巒

應共媯媯補天去  
如何巖谷老烟雲  
頗形別有含章  
處留鎮山中獸百羣

柏谷

張天寵

何年文柏竦森森  
谷口根蟠自古今  
靈籟獨吹霜溜  
靜高標直掛黛雲深  
偃岩宿處猿留夢  
擇木棲來鶴

稱心徒倚前峯漫歸去扶天先得綠濃陰

松窠

萬仞懸空一逕微行行松杪踏烟霏  
門平似水濤聲落岫列如屏翠色圍  
蟠石不應疑虎卧擎雲只恐化龍飛  
幾回林下尋幽句携得晴嵐滿袖歸

留山

奇險東南劈巨靈山山遙納此孤亭  
窗前細草偏分綠檻外垂楊欲妬青  
豈但得隣堪面對居然入座與心銘  
珠簾繡柱皆塵土何似常留不畫屏

問水

幾回蠟屐畫中携問水偏宜傍小溪  
荇葉淺拖青翡翠菱化深漾碧玻璃  
原因見處機常活消息探來路不迷  
好借仙槎從一泛伊人宛在石橋西

桃洞

插天一片石嶙峋避俗還宜此問津  
野水斷橋村外路夕陽芳草洞邊春  
鳥呼朋至將歌吹山引雲來作主客  
依舊桃花開口笑不知何處有秦人

蓮池

月曉風清古聖泉一池春水養長天藕根無復塗泥  
染荷葉渾如布地錢左右峯巒空障礙高低樓閣自  
澄鮮此中虛社容詩結多爲陶公愛白蓮

### 金仙

城南形勝說金仙地僻林深曲徑穿定與三茅通洞  
壑類將半嶺隔雲烟鶴翎偶墜松門外猿跡多留藥  
竈邊爲問凌虛縹緲去一聲清嘯落何天

### 石佛

幻相無言坐翠微如來游戲是耶非頂摩霜雪爲僧  
行身著雲霞當祖衣定裏松風含瑟瑟空中花雨散  
霏霏六根洗淨千年劫西土從教化石歸

### 鳳嶺

獨有高岡瑞靄籠羨他靈孕自鴻濛望來遠翥霏微  
外聽去長鳴隱約中六像儀開雲五色九苞輝映樹  
千叢試看求友紛紛鳥都集朝陽鳳嶺東

### 獅巒

佛峯端可得獅名鎮日何曾作吼聲口自噴雲靈發  
怪形猶披蘇活生情高盤棧道龍蛇伏穩卧重關虎

豹驚想是五丁開闢後劫灰燒却剩金精

春暮游雄山大泉寺用壁間海峯韻 張天籟

清遊好趁暮春天古刹相尋路杳然谷轉村廻摩詰

畫高山流水伯牙絃詩偏無賴逢花引酒更多情遇

蝶牽眼底一囊空四海滿收雲物勝枯禪

二

沿溪步步踏香塵別有無窮景待人兩岸松風吹遠

籟一山翠靄結重茵凌虛睨峴寰中境破險勾留物

外身好是橋西雙澗水落花流出武陵春

栢谷

栗培根

華栢千霄不記年神農廟貌正巍然殘碑字淺留皇

古邃谷雲深別洞天毅自得來甘作稼艸經營處類

斯傳慇懃聽罷山僧語借取匏樽一飲泉

松窠

松窠應可比蓬壺瘦骨蒼顏幾萬株雲吐乍疑虬變

幻月來時見鶴清癯半空濤瀉聲常在終歲春留色

不殊喬固結茅深洞裏那知世外有榮枯

留山

不待登臨說雅遊  
嵐光終日爲亭留  
蒼茫樹色濃兼  
淡縹緲雲烟散  
復收對酒常懸  
摩詰畫凭欄  
恍在仲  
宣樓  
愛山意切何須買  
自有青峯列案頭

問水

何處潺湲響素琴  
一灣流水泛清音  
漫勞小艇催來  
去試向長橋問  
淺深  
新漲幾回湮  
石牖安瀾肯許浴  
瀾禽相如原有留  
題志對此能無發浩吟

桃洞

地闢危巒曲徑遮  
武陵春色隱山窻  
橋連絕壑河頭  
迥閣駕飛雲  
洞口斜倚樹  
聯吟酬好鳥  
閒樽狂醉對  
仙葩怡情不覺歸  
來晚猶自依依戀碧霞

蓮池

止水溶溶一鑑清  
花中君子箇中生  
時舒時卷如無  
意宜淡宜濃  
倍有情思入風雲  
泉並湧心經淘洗月  
同明愛蓮更得幽  
閒趣忘却連朝在市城

金仙

仙境超然客到稀  
望中時見白雲飛  
斷崖寂寂猿頻  
嘯老樹蒼蒼鶴自歸  
氣聚三華凝玉液  
丹成九轉放



金輝當前卽是蓬萊島遠却塵囂領化機

石佛

龍山一帶石嶙峋化作如來自在身五蘊皆空翻是色偏衫不換已離塵團團智月穿林度裊裊忘雲出岫新鮮得飄然登彼岸迷途盡是點頭人

鳳嶺

東來萬萬數峯青鳳嶺高寒獨耀靈似欲來栖桐冉冉如將擇食竹亭亭晴光閃爍昭文彩嵐氣迴環戀德馨夜靜風清聲徹漢遙將雅韻奏

虞廷

獅巖

後猊丰骨石之英穩卧幽岩了不驚暗有雲籠形笑兀朗宜月照影崢嶸祇因搏兇曾無力便覺吞熊浪得名指顧空王顯靈跡看看能作柱頭鳴

新夏游雄山大泉庵和壁間韻二首 楊體信

暫許逍遙物外天雄山深處景悠然樓臺雲捧疑瑤島鐘磬風飄勝管絃步屨多緣奇境至縱心不爲俗情牽落花流水春何在指點原因欲問禪

琉璃色界淨無塵我亦尋山問水人  
新柳拂頭籠翠幄殘花襯步設芳茵  
偶參蓮座如來相知是金剛不壞身  
詩壁行行飛舞處光芒萬丈別生春

香巖寺

宋溥淵

石徑香埋亂草中寒巖猶對舊離宮  
塵封盡閣營狐鼠絲掛雕甍網雀蟲  
潞國悲餘臺夜月孝陵愁滿樹秋風  
尋思不盡嘆興廢一片閒情附碧桐

上黨懷古

栗實

閒披地理見山川上黨名區噪後先  
扼要原居天下脊孤高直踞太行巔  
封侯號子隨時易豈郡分州與世遷  
十七邑城歸舊主馮公偉烈至今傳

德風亭

蔡履豫

高亭遠在晉雲鄉有客披襟一騁望  
領畧良辰唐別駕增多勝槩宋端王  
地中有水咽河朔天上無山春太行  
曾向蘭臺吟楚賦雄風此際信泱泱

德風亭

廉可旌

晉國名藩此最雄亭臺矗起碧天中  
高低峻嶺生佳氣遠近層雲盪太空  
檻外平鋪春樹綠簷前倒掛夕

長治縣志 卷之二十七  
陽紅輕裾頻揭登臨處知是當年君子風

長治縣志卷之二十七

知縣事 沐陽吳九齡 景文甫修輯

事蹟

天爲民而立之君其位高其分尊其情則甚親故飲  
之食之倫以紀之於善者慶之不法者討之民亦以  
是元后尊之父母親之必思有以報之効之所謂上  
下一體呼吸相通者不其然乎志以紀事事各有則  
如文教則列諸學校武備則詳諸兵制以及疆域沿  
革選舉賦役諸例不相蒙故不相貫不相蒙恐其雜

也若全不相貫則又散渙而無所統會矣舊志列事蹟一則編年紀月本乎春王正月之義而實其事於下有綱有目使閱者上下古今按籍稽覈而知某年某事是上之為民興利除害也或下之為上輸誠而効忠也朝之與野固無時無日而不脈脈相關也事貫矣文亦貫矣微乎古也不可汨矣今故仍之志事蹟

春秋赤狄奪黎地為潞子嬰兒國 詩註黎侯失國居衛即此時也

周定王九年 癸亥 晉郤成子求成於眾狄疾赤狄之役遂服

於晉 赤狄潞氏最强服役眾狄眾狄皆之故樂役於晉

十二年 丙寅 晉師滅赤狄潞氏以潞子嬰兒歸 獲長

狄焚如 長狄僑如先為魯獲弟二人一獲於齊一獲於衛一奔晉寄於潞晉滅潞獲之長狄之種

絕

齊伐晉入孟門登太行 孟門上黨隘

敬王二十三年 甲辰 晉敗范中行之師於潞獲籍秦高疆

荀寅叛入朝歌晉討之籍秦高疆皆荀寅黨

赧王五十三年 己亥 秦白起伐韓拔野王上黨守馮亭以

郡歸趙

趙封馮亭為華陽君

馮亭使至趙王以問平陽君豹豹以為不可曰秦服其勞趙受

其利雖強大不能得之於弱小弱小顧能得之於強大乎平原君請受之故受地封馮亭

五十五年

辛丑

秦王齧攻趙上黨拔之趙廉頗軍長平

秦行間趙以趙括代廉頗秦陰使白起為上將大破

趙軍坑降卒四十萬

趙受上黨越二年秦使王齧攻拔之上黨民走趙趙使廉頗軍

長平按據之戰數不利乃堅壁不出秦以千金行反間曰秦獨畏馬服君之子趙括為將耳廉頗易與且

降矣趙王信之遂將括藺相如不可括母亦以為不可古不聽秦王間括將陰以武安君為上將軍軍中

敢泄者斬括更約東易置軍吏出擊秦軍武安君佯敗走張二翼以劫之括乘勝造秦壁堅拒不得入

而秦奇兵絕其後秦王聞之自如河內發民十五以

上悉詣長平遮絕趙救兵及糧食凡四十六日趙軍

中人相食急攻秦壘括中流矢死卒四十萬人皆降武安君惡其反覆盡坑之遺其小者三百歸趙前後

斬首虜又四十五萬人嗚呼殺降不祥况四十萬耶杜郵之死起亦自知其罪在長平矣

五十六年

壬寅

秦定太原上黨降卒之二年復攻趙定上黨尚有未降邑也

秦莊襄王二年甲寅秦悉拔上黨諸城立太原郡又十二年始悉拔之

立太原郡以上黨屬之前後十七年而上黨始定綱目屢書之蓋上黨天下脊秦得之而兼併之勢成矣

始皇帝二十六年庚辰分天下為三十六郡上黨居其一

置材官

此郡之始也材官則武衛亦肇於此矣

二十九年癸未秦皇帝東遊登之罘刻石遂之瑯琊道

經上黨

二世皇帝元年丁未趙王武臣使張鷹畧上黨武臣用張耳陳餘計

自立為王復用二人計收燕趙以自廣故使鷹畧上黨

漢王二年乙未韓信定魏地置上黨郡因請兵東下破趙

以任敖為上黨守高祖與項羽相拒拜敖為上黨守據形勢

五年己亥發河東上黨騎屯北地

十年甲辰九月代相陳豨反攻上黨任敖堅守封為廣

阿侯

文帝二年癸亥九月賜天下今年田租之半

十二年癸酉賜農民今年半租

十三年戊戌除田之租稅

宣帝五鳳四年丁卯大司農耿壽昌請糴三輔安農河東

上黨太原郡穀供京師故事歲漕關東穀四百萬斛費甚鉅五鳳中三輔返郡比

歲豐稔故壽昌有是議公私俱便

成帝陽朔二年戊戌租關東詔流民欲入函谷天井壺口

五阮關勿苛留

哀帝建平元年乙卯徙馮奉世子孫還上黨初奉世貴子孫遂居長安

及中山太后被誣家族死者十七人仍徙宗族還故鄉

元壽元年己未司隸校尉鮑宣陷罪徙之上黨宣勅董賢以直

開進何武彭宣拜司隸丞相孔光官屬違制行驛道中宣鈞正摧辱事下捕從事宣閉門不肯納坐距閉使者大不敬下廷尉獄太學生舉幡集救得減死髡徙上黨子孫遂家焉

明帝永平十三年庚午幸上黨

安帝元初元年甲寅詔修理舊渠通利水道以溉公私田

疇

光武將馮異攻天井關拔上黨兩城

光武建武元年乙酉帝遣宗正劉延攻天井關上黨太守

曰邑拒之邑更始將也拒延十餘戰延不得進邑迎母弟妻子會鄧禹使集弩將軍馮愔擊邑

情盡得邑家焉邑人拒戰

邑聞更始敗遣使詣洛陽獻璧馬即拜邑為上黨太

守新莽之末盜賊蠡起邑能保境安民及更始敗即歸世祖不但明哲保身上黨賴以免鋒鏑之患功

不細也

二十年甲辰匈奴寇上黨時光武初定天下故匈奴深入

獻帝建安十八年癸巳曹操使梁習於上黨取大材供鄴

宮室上黨四山皆茂樹叢林蔚然深秀自操取材後而山由是濯濯矣斧斤時入之政安在哉

晉劉琨署溫嶠為上黨太守

義熙十一年乙卯南北朝河西饑胡反於上黨魏遣將軍

公孫表等討之神瑞二年河西胡數萬戶附於魏歲饑饑胡屯聚上黨推白亞栗斯為盟

聞進何武彭宣拜司隸丞相孔光官屬違制行馳道中宣鈞正摧辱事下捕從事宣閉門不肯納坐距閉使者大不敬下廷尉獄太學生舉幡集救得減死髡徙上黨子孫遂家焉

明帝永平十三年庚午幸上黨

安帝元初元年甲寅詔修理舊渠通利水道以溉公私田

疇

光武將馮異攻天井關拔上黨兩城

光武建武元年乙酉帝遣宗正劉延攻天井關上黨太守

曰邑拒之邑更始將也拒延十餘戰延不得進邑迎母弟妻子會鄧禹使集弩將軍馮愔擊邑

情盡得邑家焉邑人拒戰

邑聞更始敗遣使詣洛陽獻璧馬即拜邑為上黨太

守新莽之末盜賊蠭起邑能保境安民及更始敗即歸世祖不但明哲保身上黨賴以免鋒鏑之患功

不細也

二十年甲辰匈奴寇上黨時光武初定天下故匈奴深入

獻帝建安十八年癸巳曹操使梁習於上黨取大材供鄴

宮室上黨四山皆茂樹叢林蔚然深秀自操取材後而山由是濯濯矣斧斤時入之政安在哉

晉劉琨署溫嶠為上黨太守

義熙十一年乙卯南北朝河西饑胡反於上黨魏遣將軍

公孫表等討之神瑞二年河西胡數萬戶附於魏茂饑饉胡屯聚上黨推白亞栗斯為盟



王自號單于以司馬順  
宰為謀主魏遣將討之

上黨羣盜秦頗丁零翟都聚眾於壺關魏詔莫題帥

眾三千討平之上黨太守捕頗斬之都走林慮詔題搜山窮討賊盡平

上黨李禹聚眾反河內守將擊破斬之禹殺太守自稱無上王署

置將帥河內守將擊破  
禹亡走山中執斬之

宋元嘉二十二年乙酉魏世祖幸上黨觀連理樹於泫氏太平

與君六年也

魏正始潞誅叛民二千餘家止言誅叛而不著其由及為首名姓

燕民王慶祖聚眾於上黨自稱為王爾朱榮討擒之

大通二年戊申爾朱榮舉兵向洛至上黨還魏太后專政

離盜起魏主密詔榮舉兵以膺太后榮以高歡為前鋒至上黨魏主復以私詔止之故還事露魏主竟以

死

魏主避元顥至上黨時元顥以梁兵至稱帝克梁國拔

上太行

後周改上黨郡為潞州州名自此起

陳太建十一年己亥以潞州為代國邑一萬戶令代王達之

國僅二年為隋文帝所害及其世子

周大象元年以上黨羊頭山黍依漢律歷志累黍造尺

以定黃鐘

十二年庚子尉遲迥遣所署行臺韓長業攻潞州隋之

李穆遣兵取之以潞州歸隋文帝長業陷潞州執刺史趙威署州民郭

子勝為刺史時李穆已歸心隋文帝遣將取潞執子勝文帝嘉之

隋改潞州復為上黨郡

唐武德元年丁丑罷上黨郡復置潞州以太守為刺史天下郡皆

改為

二年戊寅置總管府於潞州觀元年廢

以王行敏為潞州刺史

九年乙酉突厥入寇及潞州初高祖資突厥兵往來用書而夷性貪婪無厭高祖

且親征以詔救賜之故怒入寇靈相潞沁韓朔等州皆被掠

正觀三年己丑閏十二月詔為死兵者立浮屠祠建寺凡七潞州

昭覺寺乃其一也

八年甲午置都督府於潞州

以臨淄王為潞州別駕即元宗唐初郡丞口別駕後更為長史未幾復稱別駕以

諸王子為之故臨淄王以衛尉少卿任在郡有德政善僚屬禮士大夫愛百姓年屢登多瑞應後朝京被

留平章后

景龍二年戊申大赦見拾遺

開元十年壬戌以潞州長從兵充宿衛府兵久壞元宗取京兆蒲同岐華府

兵益以潞州長從兵共十二萬號長從宿衛歲三番

陞潞州都督府為大都督府以儀石二州隸焉諸州皆稱

都督府惟并益荆揚稱大都督府今陞潞則為五大都督府

十一年癸亥帝北巡詔潞州給復五年以故第為飛龍

宮元宗北巡太原過潞以潛邸布思

十二年甲子帝封太山還過潞州問民疾苦宴勞賞賜

故舊有差

二十年壬申帝如潞州賜高年粟帛給復三年曲赦元宗

在潞布德施仁及為帝以潞兵充宿衛陞府為大都督二過潞州給復曲赦宴勞賜賚宛若家人父子民

至今不忘觀其遺跡時興慨嘆

天寶十四年乙未以金吾大將軍程千里為上黨郡長史

時安祿山反故授千里是職以拒之

置澤潞沁節度使治潞州以程千里為節度使

至德二年丁酉安慶緒遣蔡希德寇上黨程千里追之橋

壞墜塹被執

蔡希德自上黨收兵歸鄴郡時安慶緒退保鄴郡兵不滿千故希德收兵會

之

十二月上皇天帝至自蜀郡給復潞州五載

永泰元年乙巳以李抱真為澤潞節度副使

徙昭義節度於潞州

先是賜相衛節度號昭義領相衛貝磁邢洛六州至是詔昭義

兼領澤潞徙治潞州潞州始稱昭義軍云

建中二年辛酉田悅反寇上黨支郡邢洛州

李抱真奉詔會馬晟李燧討田悅戰於臨洛敗之

貞元十年甲戌昭義節度使義陽王李抱真卒以王虔休

為節度留後尋為使

抱真卒子緘秘不發喪詐以抱真表事世授虔休以義止之朝

廷遣使促緘發喪以節度授虔休虔休初名延貴帝賜是名旌其忠

膳部員外郎馮伉充李抱真弔贈使却贈帛

先是使臣弔贈

各鎮者賄贈直受之伉至抱真子緘贈帛數百不納送至京師表奏固辭屬醴泉令缺上曰前使澤潞不受餽遺者清吏也遂改醴泉令果著善政此可為使臣之法

潞州父老上李抱真德政請立石紀功建祠祀之

命董

晉撰文至今有專祠文見藝文

太和六年壬子昭義節度使劉從諫入朝加同平章事遣

歸鎮

初從諫以忠義自任入朝欲請他鎮既見朝廷事柄不一心輕之故歸而益驕一從諫也徙鎮

何心不從鎮又何心乃知奸雄生心朝廷自取之耳使是時唐之權不旁落則從諫必徙鎮無後患矣

開成元年丙辰昭義節度劉從諫表請王涯等罪狀仇士

良懼加從諫檢校司徒甘露之變干涯等死非其罪從諫上表請涯等罪狀且言

涯等荷國厚恩安肯構逆訓等實欲討除內臣爾中尉遂誣以反逆若其實有逆圖亦當委之有司正其

刑典豈有內臣擅領甲兵恣行標劫延及士庶橫被殺傷臣欲詣闕面陳恐并陷拿戮謹修劄封疆訓練

士卒如奸臣難制誓以死清君側仇士良懼故有是命從諫復表議曰臣之所陳係國家大體可聽則涯

等宜蒙瀚雪不可聽則賞典不宜妄加安有死冤不申而生者荷祿因暴揚仇士良等罪惡由是宦官頗

懼宰相粗能自立天子倚之差亦自強從諫此疏大有功於當時并其入朝初心自處亦得惟是駑恣貪

橫更遭逆子拒命割棺戮尸喪家滅族大有可惜

會昌三年癸亥劉從諫死子稹自為留後詔諸道發兵討

之從諫屢表仇士良非惡遂與朝廷相持恨招亡命從諫效河朔故事以稹代及死匿喪上表朝議不能

決李德裕至於必討以山東三州委之河北三鎮賜

二鎮書曰澤潞事體不同勿為子孫之謀欲存輔車

之勢但能頌立功效自然禍及後昆三鎮得書悚息

即發兵又分責河陽王茂元取澤州河東劉沔河中

李彥佐取潞州魏博何去敬取洺州成德王元逵取

邢州李彥佐行殺詔切責仍以石雄為副以代之

以盧鈞為昭義節度使鈞長厚得衆心兵亂之後武宗擇而用之果坐鎮無事

四年甲子昭義大將郭誼斬劉稹降稹狀孺子郭誼為之謀王欲借河北

三鎮以抗朝廷及李德裕謀定三鎮奉命出師刑磁治俱降河陽兵克天井關河東兵克石會關石雄帥河中兵入烏嶺連敗之誼知勢窮又賣穰族其家降要節鉞詔石雄將兵七千定潞州執郭誼送京師斬之初潞市有

狂人磬折唱曰石雄七千人至矣至是果驗

五年乙丑昭義戍兵作亂討平之

咸通四年癸未昭義軍亂殺其節度使沈詢

乾符四年丁酉昭義軍亂逐其節度使高浞

昭義節度使高潯及黃巢將李祥戰於石橋敗績裨

將成麟殺潯叛還潞州

中和二年癸卯昭義將孟方立殺成麟自稱留後移治邢

州

李克用取潞州孟方立既治邢州欲徙潞州民於龍岡州民安土重遷乞師於克用遣李

克修擊之取潞州殺李殷鎮是後克用歲出兵爭山東三州之人半為俘馘野無稼穡矣

四年甲辰李克用表李克修為昭義節度使治潞州自

昭義分爲二鎮

龍紀元年己酉李克用拔磁洛進攻邢州孟方立自殺弟

遷以邢州降昭義復合爲一

昭義節度使李克修卒以弟李克恭為留後克修簡儉得人

心克用巡郡以供具不厚而督之困憊憤成疾死克用表其弟克恭為留後

大順元年庚戌昭義軍殺留後李克恭朱全忠取潞州李

克用遣兵圍之初克修死非其罪潞人憐之而克恭又驕恣不曉軍事民皆怨望益思克

修會克用圖河朔令克恭選精兵五百送晉陽遣侯  
霸部送至銅鞮霸與牙將康居受劫衆反攻克恭自  
焚死霸因叛附朱全忠全忠遣將據  
潞克用遣康君立李存孝將兵圍之

李克用取潞州以康君立為留後存孝既執昭義節  
度孫揆還攻潞州

潞州朱全忠驍將葛從周遣歸克用以康君立  
為留後存孝憤恚始有叛志竟以李存信譖死

光化元年戊午李罕之據潞州朱全忠表為節度使存孝  
之死

克用語及輒流涕康君立以為不然克用怒鳩殺之  
以薛志勤為留後志勤死罕之時為澤州刺史常從  
克用征討有功求鎮不得乃引兵據之  
遣人降於朱全忠全忠表為節度使

二年己未李克用遣李嗣昭攻潞州拔之表孟遷為留

後嗣昭先取澤州收罕之家屬送晉陽越歲罕之疾  
卒全忠使賀德倫守潞嗣昭以鐵騎環其城捕勿放

李嗣昭拔三十里黍禾刈盡德  
倫窘宵遁克用復得潞州

天復元年辛酉朱全忠遣兵陷澤潞等州李克用修好於  
梁全忠怒其書

辭蹇傲遣叔琮等分道北攻諸州孟遷  
降諸州皆陷存孝君立死故梁得橫行

天祐三年丙寅李克用攻潞州節度使丁會降以李嗣昭

為節度使朱全忠弒昭宗丁會聞之率三軍縞素哭  
之會全忠攻劉仁恭仁恭求救於李克用

召幽州兵遣李嗣昭等攻潞州會遂舉軍降口非不  
能守梁王凌虐唐室雖有恩技恩誠不忍其所為故  
永歸嗟夫當全忠劫君艾幽囚密室至於行篡弑唐  
之方面大臣坐視無動心者丁會全忠私人獨悲臨  
擇所歸可謂

烈丈夫矣

四年丁卯五代梁侵晉圍潞州晉遣周德威救之梁兵  
十萬

攻臨嗣昭閉城固守內外隔絕晉王聞之遣德威來救

晉敗梁兵於潞州梁築夾寨守之周德威壁於高河梁將康懷正擊之

不克梁遣李思安代之乃築夾寨防衝突遇救援請

山東民饋糧德威以輕騎抄之思安自東南山口築甬道屬於夾寨德威與諸將互往攻之一日數十發梁兵疲於奔命閉壁不敢出

梁開平二年戊辰晉王攻梁夾寨破之潞州圍解方圍時晉王克用薨

嗣子存勗召周德威還梁以潞從此絕援矣遂不設備存勗曰上黨河東之藩蔽無上黨是無河東也且

宋溫所憚者獨先王耳聞吾新立以為童子未嫻軍旅必有怠心若簡精兵倍道趨之出其不意破之必

矣遂率諸將至潞之三垂岡伏兵值早霧直抵夾寨梁將士尚卧乃分兵填塹燒寨鼓噪而人梁兵大潰

南走圍遂解初克用破孟方立還置酒三垂岡存勗在側方五歲克用指而笑曰此奇兒也後二十年能

代我戰於此乎至是過三垂岡嘆曰此先王置酒處也果破梁宋全忠聞之亦曰生子當如李亞子克用為不亡矣至於

吾子豚犬耳

李嗣昭勸農緩刑以治潞梁兵圍守歷年士民死者大半嗣昭勸課農桑寬租

緩刑數年之問軍城完復

龍德二年壬午昭義節度使李嗣昭戰死鎮州子繼韜營

為留後改昭義軍曰安義軍嗣昭師圍鎮州鎮州將張處達遣千人迎繼嗣

昭設代要擊殺獲殆盡忽矢中其臍嗣昭拔矢反射

隨之是夕卒遺命以澤潞兵叛判官任園督攻號令如一鎮人不知嗣昭之死也晉王聞之悲痛不御酒

肉命其諸子護喪歸葬晉陽其子繼能不受命帥兵排夾歸野子繼傳當襲素備弱繼韜齒殺因之詐命士卒劫已為留後晉王從之



三年癸未李繼韜以潞州叛降梁梁以繼韜為節度使

李繼韜募兵潞州堯山郭威應募威少孤來歸潞州常氏好氣使酒應

募為兵繼韜愛之嘗自畫殺人於市中繫獄繼韜復縱之去後佐漢起兵愛禪為周太祖

潞州知州李繼儻為李繼達所殺弟繼珂討平之繼韜

謀襲叛去及莊宗滅梁自歸乞活莊宗宥之復謀不執事覺伏誅莊宗念嗣昭功以繼儻知潞州而繼達

殺之弟繼珂募市人討繼達死

唐同光二年甲申以潞州稅應威塞大同振武三軍

唐將楊立反討平之夷潞州城池楊立繼韜黨也繼韜詐以懷不平會

發兵戍涿立聚眾焚掠自稱留後表求節鉞詔遣李思源等討平之王以潞州城池高深行屢叛悉夷之

昭義節度使皇甫立奏石敬瑭反唐遣苻彥饒將軍

赴潞州石敬瑭合契丹圍晉安唐主從珂欲北在遣兵赴潞州為大軍後援

後唐廢帝清泰三年丙申遣趙延壽將兵二萬如潞州唐主從珂

至河陽心懼北行議可使將兵拒敵者和疑等曰趙延壽父德鈞以盧龍兵來赴難宜遣延壽會之遂遣

行

趙德鈞領兵趨潞州併延壽兵屯團栢谷口德鈞陰蓄逆志

欲乘亂取中原山土門口入步稱兵少須合潞州兵乃趨潞州子延壽以兵屬焉德鈞留潞州詔趨之屯

團栢谷口不進

十一月契丹立晉閏月甲子楊光遠殺張敬達以軍

叛降於契丹甲戌契丹及晉人至潞州見後唐紀光遠仕唐叛唐  
 仕晉叛晉且召契丹為天下首禍卒至滅晉氏蒼殘  
 中國凡三十餘年而潞人首受其荼毒潞志不書無  
 乃太疎乎  
 見拾遺

趙德鈞迎降擊歸死初德鈞請於契丹欲得主中國以石敬瑭先附故契丹不許及

破圍柏德鈞父子奔還潞州契丹主至德鈞父子迎  
 謁於高河俘繫送歸國述律太后責其求天子背唐  
 主何面目復求生愧鬱病死  
 其子延壽為契丹翰林學士

晉主石敬瑭發潞州契丹主北還時從珂在河陽契丹使敬瑭引漢兵南下遣兵衛送留重兵在潞聞急則下山援救俟克洛陽而後返敬瑭既發從珂退歸洛陽自焚死敬瑭遂有天下  
 契丹歸

漢天福十二年末潞州殺契丹使者歸於漢契丹滅晉使監各州漢

劉知遠即位於晉陽潞州晉後  
 王守恩斬契丹使者舉鎮歸漢契丹以耿

契丹寇潞州漢遣史宏肇救之契丹遁去崇美為昭

義節度使屯澤州將攻潞漢主遣宏肇進克澤  
 州契丹從山下河北過去漢主王洽遂定天下

周顯德元年甲寅北漢主以契丹兵侵潞周昭義節度使李

筠逆戰敗績北漢下問周太祖矧請兵於契丹日矧趨潞李筠遣穆令均逆戰漢誘令均入

伏中殺之筠退  
 歸嬰城自守

周祖破北漢兵幸潞赦沅罪以下世宗自將戰於澤州高平連破之王

潞州整  
 軍北伐

四年丁巳契丹北漢會兵入寇潞州不克而還是役也兵下城

下即還猶邀北漢厚賂去結虜何益祇自蔽耳

周遣史彥超將步騎二萬發潞州征北漢也

周世宗至潞尋趨晉陽親征北漢也

帝至潞州還京自太原回軍也

宋建隆元年庚申太祖征澤潞命戶部侍郎高勗兵部侍郎

邊光範充北路轉運使

進攻路李守節降大赦免附潞租一年擇守節為單

州團練使獲北漢將衛融為太府卿

夏四月周昭義節度使李筠起兵會北漢伐宋宋遣

兵擊之宋遣使加筠中書令使者至潞州筠欲拒之

賓佐切諫乃延使者置酒既而取周太祖像懸於壁涕泣不已衆駭惶告使者曰令公被酒失其

常性幸勿訝北漢主筠聞之乃以蠟書結筠同舉兵

筠長子守節泣諫筠不聽後起兵南向宋主遣石守信等分道擊之敗筠兵於長平筠退守澤州六月宋

主克其城筠赴火死  
三年壬戌北漢伐潞州守將擊走之

詔盧懷慎等二十二人率禁軍會潞州伐北漢

以王祐為潞州知州時征太原餉集潞州城中不能行祐至饋運不乏潞亦不壅

開寶二年己巳帝親征北漢過潞州自是以後潞為無事之州昭德亦為無事

之鎮以刺史處名賢以節度處尊貴民享太平之樂一百五十餘年至靖康始有金兵之變

詔置潞州交于務以權河東一帶之錢法未幾漕司以妨入中糧草之計奏罷之

崇寧三年甲申改昭德軍為隆德軍未幾陞為隆德府

金太行盜陷隆德府殺其守臣姚璠討平之以山西

轉運副使沈璋權知州事宥降卒七百人拜璋諫議

大夫知潞州事金初得潞人心猶冀宋之復取故殺金守臣宋不能救而金平之從此潞

為金有矣金所稱盜宋之忠義也常緣坐者七百人帥府必欲坑之璋以死爭不但保全才遺草創之初

收拾人心亦大有功於金潞民感泣為之立祠也宜哉

趙人王玉攻潞州拔之

置潞州元帥府

發潞州元帥府兵援太原時元兵圍太原

元兵攻潞州都統馬甫死之

苗道潤請以所部軍隸潞州元帥府

以戶部尙書納合蒲刺都為元帥右監軍行元帥府

事於潞州

嘉定十一年戊寅元兵徇潞州陷之納合蒲刺都及叅議

官王良臣死之良臣潞人

十二年己卯以張開乞潞州招撫使時林州元帥府徙潞民往來甚闕

請金立元帥府從之

十三年庚辰

張開復太原封上黨公

以澤潞沁州隸焉

端平元年甲午

元兵克潞州張開走南京

開與郭文振等起義兵克復有

功封建九公各守疆土而文振又與之共破太原比鄰相附開嘗請糧於朝不得如數又文振當其西北兵衝開不奉命周給文振窮窳開勢益孤以至於敗

正大元年移刺蒲合都復潞州

正大六年移刺蒲合都再復潞州元將任存死之

紹定三年庚寅

元萬戶因只台吉與塔思復取潞州

先是武仙

圍潞州元太宗使塔思救之為移刺所敗塔思退守沁州移刺復潞州太宗聞之親征遣因只台吉與塔思復取潞州武仙夜遁斬首七千級至是潞州始入於元矣自五代以來潞州兵革惟此為甚

至元間元左丞察罕帖木兒調關保虎林赤同守潞州

拜察罕帖木兒陝西行省平章政事便宜行事

時察罕帖

木兒遣二將復晉寧大同賊去調二將歸為休兵進取計時上黨李惟馨實太行間為之圖地利險易分屯澤州塞碗子城屯上黨塞存兒峪屯并州塞井陘口以杜太行諸隘賊遂不得入

察罕帖木兒率潞澤及各道兵復汴京

時偽宋據汴也

潞州兵從察罕帖木兒平青齊

關保退屯潞州

據關保木兒與李思齊相持詔潼關以東屬擴廓帖木兒故關保復歸潞州

明洪武元年戊申十月右副將軍馮勝取潞州關保遷去

二年巳酉免山西新附地方稅糧

偏將軍楊璟遇元兵於韓店大戰失利

四年辛亥以潞州儒士曹璣為右副都御史未幾進左

都御史

潞州遣官貢人參詔止之上曰朕聞人參得之甚艱豈不勞民今後不必進如

用當遣人自取因謂省臣曰往年金華貢香米朕止之遂以種於苑中每耘耔刈獲親在觀之足以自適及計所入足以供用太原歲進葡萄酒自今亦令其勿進國家以養民為務豈以口腹累人哉嘗觀宋太祖家法子孫不得於遠方取珍味真得貽謀之道也今人參已不可得矣則得根株亦枯瘦少味人參無功即土人需皆遠左參也嘗味葡萄酒亦與市沽不差別何足以備上供蓋前代徇其名聖祖察其實大聖人之見萬世不可及也

六年癸丑正月甲午延安侯唐勝宗奏築潞州城詳城池志

九年丙辰詔免山西本年稅糧

十三年庚申召元兵部尙書李惟馨考正禮樂事竣不受

官賜賚還山以潞州儒士曹九齡為四輔官武英殿

大學士

以潞州貢士暴昭為刑部尙書後死靖難節潞之登仕籍多矣特著數公

者遭際聖明之世朝辭辭差久佐巖廊非計歲月而數階級者此也

二十一年戊辰遷潞州無田民往彰德真定臨清歸德

大康諸開曠之地令自耕種免其徭役三年仍給鈔

錠以備耕具

永樂元年癸未詔潞州等處無田民分丁赴裕州墾荒

六年瀋簡王之國潞州

治時山西沁潞等處屯田被水災不及三分例不免

糧孝宗特為免之見皇明典故紀聞可謂有憂民之心君人之度矣故樂為書之

正德元年丙寅遣使祭天下名山大川暨古帝王宗室王

墓告始也宗室王墓在山西者曰晉曰代曰瀋觀武宗而列宗可知故存之以昭一代典禮焉詳見李

空同文集

六年辛未薊寇入太行山至潞州雄山鄉焚掠而去時有

劉斌代兄死并免及四正平氏程氏趙閻兒袁雁菊死節

嘉靖七年戊子陳卿作亂拒殺官兵合三省兵討平之詔

兵科都給事中夏言覈功罪區處善後事宜設兵備

道陘州為潞安府以州版籍置長治縣

設叅將於潞未幾裁去從憲王請也

二十八年己酉虜深入遊騎至潞境

四十三年甲子始置長治縣學初以潞州學為府學而縣學尚未議至是始置

萬曆十四年

丙戌

荒疫並作四門出尸三萬餘遣戶部員

外郎王之輔賚帑金賑濟

崇禎三年

庚午

潞安軍與賊遇於微子嶺一軍皆歿

見綏寇紀

畧

五年

壬申

流賊由陵川至長治縣南界焚掠雄山鄉

初流

賊紫金梁老劉剿等在河北修武為官兵追勦遂踰太行自柳樹口至陵川而馬附城於十月初四日突至西火桑梓蔭城一帶焚殺甚慘蔓延壺關平順盤據數十村鄉民扶鳩老幼奔避郡城城中登陴嚴守

六年

癸酉

七月宣大總督張宗衡提兵援潞安以總兵

曹文詔駢軍郡城相機會勦

大兵彈壓賊既不敢進城士馬餉騰兵亦不

主事地方稍謫迨甲寅春賊始盡渡河南去

十五年

壬午

叛將任國琦夜踰壺口因襲北董鎮

國琦潰日

松山從河南林縣踰太行閭十一月十五夜突至北董鎮彼時既無偵探亦無守備寇至門庭居民尚寢息未知天掠子女金帛殺傷甚衆附近蘇店秦家庄數村皆被慘禍從容數日入陝西長驅歌蹈而歸去城僅數里未嘗一矢相加遺也

十七年

甲申

閩賊李自成偽將劉芳亮擁兵取潞安守

臣先遁郡城不守

先是李自成僭號西安改設官屬建國門西年口永昌乃分遣賊將

於正月從韓城煤船渡河入犯山西平陽郡縣聞風互解兵不血刃皆以次淪陷潞安震動一時守土各官已豫遁去地方無主城門不閉二月劉芳亮遂擁衆入城分置偽官大肆酷烈夫河東上黨為古來用



武必爭之地而皆墜手  
得之天下事不可為矣

定陶王程祔同長子效鋒死之  
王闕賊至率長子拜  
墓畢即同赴井死以

身殉社稷者王  
父子二人而已

入藩府執藩王迥洪留宮中搜括金銀銷鑄寶器數

日  
王冲幼不知大體束手被  
執宮中罹毒有不忍言者

追郡王宗室鄉紳及故宦子孫捐助  
劉芳亮暨偽防  
禦使孫明翼殘

忍相濟日以聚斂為事繫諸郡王宗室及鄉士大夫  
非刑酷拷大索金銀動以千萬計名為捐助下至乘

田委吏無一得免者或已經物故復收其子孫一體  
拷掠是名故宦例亦如之敲撲之餘繼以炮烙稷山

王效欽陵川王效鍾右府都督同知鄭其心昌平知  
州焦崇功皆慘斃於酷刑之下且分布諸賊各縣嚴

此聞郡如在洪爐黃巢劉耀之克  
白馬清流之禍千古如同一轍

劉芳亮挾藩王迥洪馬上北走  
後不知  
所終

賊將劉忠據都城拆平四關及附近居舍  
劉芳亮既  
取路安剗

忠續來據守八月驅在城男子八歲以上者悉數出  
城拆毀各關廟并角市村李家庄五馬村等處千百

年奏集人納候化寒烟哀草惟見孤城屹立而已忠  
本為居民樹密有碍矢石豈知後兩月忠遁去復來

攻城却無戴置立脚處是實資後來守禦  
而自為窮蹙者也其與咸陽一炬何異哉

國朝順治元年  
甲八月八旗固山石等梅勒章京孟喬芳

等提兵底定路安  
地方新經闔  
以望有如雲霓及聞自澤州

北上爭先出迎秋毫無犯先  
是劉忠并各偽官皆逃去

以明通判馮聖兆攝冀南道事

當勤芳亮陷潞時各官星散通判馮聖兆

獨留匪民間清兵底定遂以聖兆攝道事

劉忠寇潞安署道馮聖兆嬰城固守攻之不克

清師畧太

原賊知城虛故劉忠復至百道仰攻縛雲梯穿地道幾至失陷城上守禦嚴密因得保全

十月清師自太原赴援潞安圍解

二年乙酉

以馮聖兆為僉都御史巡撫宣府

因守城功也

十一月清兵駐潞安屯牧

割郡城西南隅以為駐防之地則圍南郊適西者

而以廢藩宗產補之次年四月撤防皆為蒿藜瓦礫矣

三年丙戌

詔貢篚

六年己丑

賊沈烈許守信喬炳胡國鼎詐稱姜瓖兵寇

屯留把總郭天祐陰與賊通脅叅將周詔開門迎賊

許守信陝西人原隸道標守備張鴻養馬鴻被誅投汾州營與口北响馬喬炳同寇兵丁丑三月交城賊

乘大同姜逆之變遂蠢動督撫檄潞汾兵將會勦失利喬許二賊不敢入伍逃歸潞安路逢胡國鼎國鼎

徽人也販茶落魄結伴同行至中途聞潞營逃回者皆正法遲疑不敢進乃投老馬嶺沈烈家烈亦陝西

人其叔在時嘗為權宦守備烈在老馬嶺賣酒聚賭結交匪類劫截往來客商諸賊會議詐稱姜總兵

令發兵直取潞澤連發偽牌皆胡國鼎之謀也沈烈許守信自稱副總兵喬炳自稱叅將胡國鼎自稱監

軍道沿途烏合滿三百人賄約沁州姜振起降時潞安訛言洵洵警報押至叅將周詔先領兵趨屯留駐

城中令把總郭天祐探賊不意天祐便與賊通約內應歸恐說周詔降詔叱之五月二十七夜半天祐等

開門迎賊入詔既陷賊中器械馬匹俱爲賊有遂挾之攻郡城

沈烈諸賊進攻潞安叛兵張國威等殺知府楊致祥

以城降

初賊勢先聲震叠人心搖惑衆議戰守之策數日不決知府楊致祥插血誓衆立至迎戰

檄同潞城知縣楊萬春征進至中途聞屯留已陷遂退守郡城晝夜巡視城頭目不交睫者數日開倉發帑重賞鼓舞人頗激勸賊亦無隙可乘會叛丁張國威等原係陝西潰卒爲前道王華生招安皆有家屬在潞聞賊至密移北鄉避之先爲賊所劫要其內變國威等惶懼攜貳遂陰謀不軌六月初三日黎明國威并其奴張進才殺致祥於北城樓之東次口開北門迎賊入遂收繫各官更署僞職以郭天祐爲副總兵吳亨副爲叅將張國威蘇世昌等爲標叅中軍等官沈許二賊又自陞總兵喬賊自陞副將胡賊自陞巡撫凡及側亡命之徒紛紛歸從聲勢始大出前而觀周詔一旅儘可辦賊出後而觀致祥堅壁賊亦無何乃一惑於天祐之流言再敗於國威之詐變忠生財腋禍至滔天郭張二賊卽寸磔能蔽其

十月和碩親王 哆囉郡王固山王國光蔡士英內

院察不害等恢復潞安

七月十一日衆賊聞大兵克大同姜逆授首由太原恢復

汾州等處大懼謀逃然諸賊又各有嫌隙思互吞併不得已各出兵欲於南關驛扼險防禦聞大兵神武連夜遁回沈郭二賊奔在九仙臺喬許二賊欲投叛賊張斗光於陽城府東寨不意光先遁棄馬奔西安故王梁清溪被首於孟制臺移送晉撫斬之國鼎不協於諸賊另爲一隊復回城驅民捍守十月初十日兵至國鼎潛開東門宵遁不數里伏起誅戮殆盡國鼎爲亂軍所殺十六日大兵入城問罪逆黨咸伏誅九仙臺沈烈縛郭天祐以降烏斬於郡市潞復安

八年

辛卯

詔免傷亡丁徃

因姜逆慘殺計傷亡人丁萬一千一百四十二丁

免徭銀三千八百四十  
九兩零詳見賦役志

十三年丙申 詔修孔廟從科臣王運熙請也 通行天下

十四年丁酉 詔免逃亡人丁長治共計逃丁一百五十六丁免徭銀四十七

兩三錢九釐六毫  
從巡撫白請也

十五年戊戌 戶部題 請遣呼喇喇哈方共義等採買

黑牛祭牛關係大典雖給有糧單一切豆草俱准開銷而採驗駁解之累人猶病之

十六年己亥 工部議估變故明藩藩廢宗遺產

十七年庚子 潞安織紉機戶焚機罷市時採買官票鱗集紉行焦滿福

王好善等焚機上控苦  
累巡按白立碑嚴禁

十八年辛丑 戶部議加練餉兵前隨經停徵

八月工部咨取四輪驟車潞安府派造車四輛內長治分造一輛驟十二頭夫

十一名陵工之需疲於奔命

康熙元年壬寅 秋靈雨傾塌北城及四城角樓水口數十

丈督撫楊疏請鼓勵捐修

二年癸卯 城工告竣 詔捐輸官員獎紀有差

三年甲辰 春 詔考滿官員通行天下

八月 詔止考滿從帝臣季振宣請也

四年乙巳 詔免災黎地稅本縣民田被水雹秋霜災傷十分者免糶銀十分之

三災傷七分者免十分之二共免糧銀二千九十一兩七錢八分有奇

五年丙午戶部請旨清查宗產澤州朱統鏗叩關公首募霸廢宗房地時

差常馬二滿官親查因通行天下督撫取結免議

六年丁未詔免山西省採買黑牛從臺臣田六善疏也免全省則長邑

均受其福 以上照依舊志

七年至五十三年事皆無考郡邑房稿盡失今將於於拾遺者按年續入然

亦僅前三十年事也 過此則又無考矣

十三年甲寅元宵禁燈火路澤營兵遣戍秦者六十八

力三藩之變

十五年丙辰稅間架

二十六年丁卯詔武臣謁孔廟陪祭 知縣子澤長

以貢篚降二級調用士民保留准其在任

二十七年戊辰起解大同草豆在途赦免

二十八年己巳赦免山西浙江二省江南安徽及湖廣

武昌漢陽黃州德安四府本年應徵地丁各項錢糧

以

文皇太后升祔

太廟恩詔丙一條自漢文後又

觀此天地之恩故恭紀之

四月給養老帛棉米肉

詔內又一條軍民人等七十以上優免一丁侍養八十以上

上帛一疋米一石棉一

斤肉一斤九十以上倍之本

縣七十以上陳天賜等友等二百三十九名九十以上楊一松等七名

三十年辛未協運大同草豆

三十一年壬申六月協運賑秦楚米十一月協運大同

草束

三十四年乙亥五月戶部員外郎登德查看地動災傷

至潞安初九晚至初十黎明即行止取被災冊籍而去

五十四年乙未辦解運米跨車二十二輛交蒲州

五十六年丙酉辦解鑼鍋二百一十二口交本省

詔舉才品爭優山林隱逸之士

雍正五年丁未購解馱騾八十餘頭並辦鞍屨繩架交西

安府西藏轉運糧餉需用

調叅將張茂率營兵赴澤擒賊以晉廣之亂

九年辛亥調潞澤營兵十八名赴西路進剿十三年撤回

造解鐵鑊鐵鏈鈎杵等器交本省城工需用

十年壬子購解駟馬十一匹交歸化城漢軍兵丁需用又造鑼

鐘一百二十三口交本省

十一年辦解毡掛二百一十三件交甘肅 軍機案務知縣郭麟

生辦理民間無擾

十三年調潞澤營兵十三名城守兵九名赴北路進

剿 乾隆元年撤回四名餘戊鄂爾坤三年撤回

乾隆三年 戊午 遣潞澤營守備李蘭帶馬步兵二十二名

戊他米兒 六年撤回

十三年 戊辰 赦丁地錢糧 議辦採買洋銅知府方浩

爭免

十六年 辛未

皇太后六十萬壽詔賞老民帛棉米肉

二十二年 丁丑 購解驛馬八十五匹交蒲州 西路軍營需用

二十三年 戊寅 購解駱駝六十隻交蒲州 七月購解

馱驛五十二頭交甘肅 知縣吳辦理立時發價無累於民

二十四年 己卯 減城守營兵十六名改增馬兵八名加

戰餉二十名 實存馬步兵九十二名

二十五年 庚辰 移城守營千總隨本營兵四十八名駢

防陽城礮廠 餘兵改入潞澤營

二十六年 辛巳

皇太后七十萬壽詔賞老民帛棉米肉

自姜逆荼毒之後越今一百一十餘年四民樂業坐享太平之福雖比之時雍風動莫是過焉先民有言不識不知順帝之則古人豈欺我哉

長治縣志卷之二十八

知縣事沐陽吳九齡景文甫修輯

雜志

考工記云績畫之事雜五色易繫云雜物撰德陸士衡亦云紛葳蕤以馭選相雜成章母亦有不可盡廢者耶而說者往往病其瑣屑欲概付之薙人氏抑已過矣周以來有務成子十一篇記載紛繁是爲三晉稗編之宗茲乘所列天地人物亦既各爲其類焉然遺事異聞析疑辨證則有未敢任其缺畧者夫述千



秋之古制採百代之遺聞伯有申生何妨傳其神異  
商羊鸛鶴並可紀其歌謠文非辨則不明疑當詳釋  
事非證則不實訛在速更總以補前路之遺忘而爲  
餘波之綺麗也敢曰一爪一鱗見者俱應駭爲神物  
哉志雜志

上古神農穗書韋續字源及墨藪書斷謂庖犧獲景龍之  
瑞始作龍書神農因上黨嘉禾八穗乃作穗書黃帝  
因鄉雲見作雲書堯因靈龜負圖作龜書少昊作金

天鸞鳳書高陽作蝌蚪書

拾遺注見宋王應麟玉海

晉荀勗嘗道於趙閼牛鐸聲而識之及掌樂音韻未諧曰  
得趙之牛鐸則諧矣下郡國取之晉樂於是克諧至  
今潞之牛鐸聲皆獨異於海內豈當時遺制耶

見舊志

戰國豫讓請襄子衣三躍斬之衣盡出血襄子迴車輪未  
周而卒豈精誠之極歟抑術耶亦大異矣

以下凡見舊志不注

漢馮奉世子九人各通一經野王通詩遠通易立通春秋  
參通尚書長子譚通禮記舉孝廉蚤逝野王子座嗣  
爵關內侯一門獨盛志但稱其功名閭閻夫豈無本  
致此者乎

見潞志拾遺

馬宣任北平護軍卒於官櫬還喪畢矣忽呼門則宣也  
妻韓見之悲愕宣曰有生必有死恨恩情早別耳其  
甥翊至戒之曰并土當有兵疾不可居宅東棗枯急  
走可免遂去不見後二百日樹果植翊及宣家投漁  
陽又四旬兵亂居民存者十一二

尚書令僕丞郎月賜隄糜大墨一枚小墨一枚四諸云  
上黨松心爲墨曰隄糜極佳段成式送溫飛卿書云  
隄糜松節絕已多矚然余垂髫時猶及觀陵川宗侯  
所製龍墨色味俱良云

見濟志拾遺

借船帖王內史書法之尤工者盧尚書藏之有年張賓  
護致書求假不與答云此未嘗借出只可就觀其實  
重如此後賓護除潞州有人將帖求售閱之乃借船  
帖驚問之云盧家郎君竊出覓錢張却而不問其值  
盧公尙在位其子弟已不能守此可爲溺好百端之  
戒

太平廣記所載與此微殊

晉劉元海冒頓之後幼好學師事上黨崔游習毛詩京氏  
易馬氏尙書尤好春秋左氏傳孫吳兵法史漢諸子  
無不綜覽嘗謂同門生朱紀范隆曰吾每觀書傳鄰

隋陸無武絳灌無支道由人宏一物不知固君子之

所恥也

見晉書

魏時有訛言曰上黨出聖人又有童謠曰一東藁兩頭然  
河邊殺斃飛上天時高洋懷篡位之念聞之不豫將  
親兵徙上黨一郡而郡人張思進詣洋解之曰藁然  
兩頭於文爲高殿下姓也河邊殺斃乃水邊羊殿下  
名也殿下產於晉陽之南坊名上黨應上黨出聖人  
也洋悟上黨得不徙及卽位求思進不可得

見府志

十六國石勒上黨郭季子奴也勒未生有讖曰古在左月  
在右讒言退或入口胡居襄國字也及僭位果治襄

國

石虎時上黨孟門有神人像坐於山上三日而去虎遣  
使以太牢祀之

隋上黨人家後夜有呼聲索之不見去宅里許有參一株  
根如人形搗去聲遂絕

唐葉法盛中秋夜與元宗遊廣寒宮過潞州俯瞰城市如  
晝上以玉笛吹霓裳曲擲金錢於城中越旬潞州上  
言八月望夜有大樂臨城兼獲金錢以進

景龍初明皇爲潞州別駕一日據案見墨上有小道士  
如蠅而行上叱之卽拜呼萬歲曰臣墨衣使者墨之  
精龍賓也帝命掌記珍藏及登位猶取示詞臣名龍

香劑

開寶遺事

明皇在潞州時寢壁蝸篆成天子字明皇驚懼塗去數  
日復然如此者三後登大寶琢玉成蝸及金銀鑄成

者凡數百供之功德前後時有人得之者

見舊通志

唐時民間以元宗自潞州還京師製還京樂曲

見唐書

潞州啟聖宮內有明皇敲枕斜書壁處并腰鼓馬槽並

在公爲潞州從事皆見之

尚書故實見通志

代宗時昭義節度使王虔休嘗得太常樂家劉玠撰經  
天誕聖樂因聖誕日以獻其樂以宮爲君示五聲有  
君也以土爲德木五運在中也奏二十五疊取二十  
四氣而成一歲奏十六節象元凱登庸於朝云後中  
和樂本於此麗成等十人並補太學生

見會要

河陽石尚書破回鶻迎貴主過上黨偶逢水鳥鷺鷥引

弓射之一發中目三軍踴躍其事上聞詔下美之

白居易

易集

劉悟殺李師道以取節鉞既徙昭義時又因劉承階之  
事漸不恭於朝廷巫者忽言師道兵屯琉璃陂悟惶  
恐命禱祭具千人贍自往求哀將易衣嘔血數斗死  
杻無潞州判官兼之從弟也有至性其父爲河北一尉  
而卒母非嫡經亂不知所之無嘗抱終身之戚會兼  
爲澤潞判官嘗鞠獄於私第有老婦辨對見無時出  
人竊謂人曰此少年狀類吾夫詰問之乃無母也自  
此迎侍而歸又往求先人之墓邑中故老已盡不知  
所詢館於佛寺日夜悲泣忽視屋柱煙煤之下見字  
數行拂而視之乃其父遺跡言我子孫若求吾墓當  
於某村某家問之無號泣而往果有老父八十餘指  
其邱壠因得歸葬無官至工部尚書致仕

崔給事云頃在上黨與李抱真作判官李柝方以毬枚  
按毬子其軍將以枚相格因傷相指爪甲劈裂裹  
金瘡藥飲酒顏色愈青有軍吏教以取葱新折者焙  
火煨熱剥皮有涕便罨損處仍多煨續續易之三易  
面色却赤斯須不痛凡十數易畢席談笑

見劉禹錫傳信方

李嗣昭守上黨爲汴兵所圍城中鹽炭俱盡嗣昭潔誠

以禱天地俄而地生鹹取以煎鹽甚美復掘地得石

炭 見薄懷岳威  
應篇綱目

紅線劍仙也爲潞州節度使薛嵩家侍兒性靈異通經

史解音律時魏博出承嗣募甲卒五千號外宅兒男

欲刻日併路嵩憂計無所出紅線乘間問曰王公不

遑寢食一月矣得非患隣境乎嵩曰安危重計非兒

女子所知紅線曰某雖女子度能釋王憂嵩聞而異

之告以情紅線請乘夜往魏一覘虛實伺便取事乃

佩靈符挾匕首御風而行嵩危坐以待雞鳴卽還取

其牀頭金盒爲信嵩爲寒溫書遣人馳送入夜抵魏

非時呼門呈送書盒時魏索盜金盒賊甚急不可得

聞之驚絕乃留使厚勞以錦綺名馬雜珍獻歛盡散

外宅兒男結爲姻婭兩軍帖然紅線忽求去嵩留之

不得欲以千金爲仙居所亦不可乃集門下客宴別

嵩酒闌持紅線俯拜卽失所在客冷朝陽賦詩曰採

菱歌怨木蘭舟送別魂銷百尺樓自是洛妃乘霧去

碧天無際水空流

李抱真好方士且喜長生有方士孫李長爲治丹曰服

長治縣志 卷之二十八  
之昇仙抱真因謂左右曰秦漢君不得我乃得之夜  
夢駕鶴益喜而信之服丹二萬丸不能食且死醫以  
疑肪穀漆下之少間季長曰仙且得何自棄也益服  
三十九而卒

抱真鎮潞時軍資匱缺計無所出有僧大爲州人所信  
服抱真諷其焚身濟衆僧叩頭求免良久未得釋抱  
真徐曰假和尚之道以濟軍中可乎僧許諾抱真曰  
但言於鞠場焚身潛於使宅穿地道俟火作卽出因  
引僧入地道觀之乃積薪灌油爲七日道場僧陞座  
執爐對衆說法抱真率監軍僚屬將吏羅拜其下以  
俸入檀施由是士女駢闐捨利億萬比滿七口擊鐘  
發火業已填塞地道僧不得出化爲煨燼以所得財  
物輦入軍資庫別求舍利造浮屠貯焉

梁李思安攻潞州城營於壺口伐木作柵木中朱字六皆  
隸體曰天十四載石進思安表上之梁臣皆賀以爲  
十四年必有遠夷貢珍寶者司天少監徐鴻私謂所  
親曰自古無一字爲年號者上天符命豈闕文哉吾  
以爲丙申之年當有石氏王此地者移四字中二畫

置天字左右卽丙字也移四字外圍以十字貫之卽申字也後至丙申年石敬瑭起兵同契丹主至潞進取汴京果如鴻言

符道昭蔡州人爲將勇於犯敵而少成算開平元年與唐懷英等攻潞州築夾城爲蚰蜒寨以圍之逾年不能下晉兵攻破夾城道昭戰死殆亦忠於所事者乎

見五代史

後唐李嗣昭妻楊氏善蓄財平生居積行販至貲百萬梁圍夾城滿年軍用乏絕楊氏之積蓋有助焉及子繼

韜叛附梁同光初乃齎銀數十萬兩至洛京厚賂宦官伶人皆爲言繼韜初無惡意楊夫人亦以賂謁劉皇后又言嗣昭功臣宜蒙恩貸由是莊宗釋繼韜晚而存一子繼忠家於晉陽楊氏所積餘貲猶鉅萬晉高祖起兵太原契丹求賂貸於繼忠以取足高祖甚德之以爲忻棣單三州刺史楊氏平生積產嗣昭父子三人賴之

五代史

莊宗攻梁軍於夾城得符道昭妻侯氏寵專諸宮宮中謂之夾寨夫人莊宗出兵四方常以侯氏從軍

五代史



宋初征潞州軍士於澤中取草夜歸鎌刃透成金色或以草燃火釜底亦成金

見舊通志

太祖將親征潞賊李筠詔留後呂餘慶趙普於京師普因私謁太宗於朱邸且曰普託迹諸侯十五年今偶雲龍變家爲國賊勢方盛萬乘蒙塵是臣子効命之日幸望啟奏此誠願軍前自効太宗卽以聞上太祖笑曰趙普豈勝甲冑乎因謂太宗曰是行也勝則不言萬一不利則使趙普分兵守河陽劖作一家計度及觀旋第賞宰臣撥官太祖曰普有從朕伐叛之勲宜當加等於是授侍郎樞密使

見國老談苑

蓋拆上黨人天聖中拆預計偕夔人告曰建州章天和作狀元汝必登第至京訪天和乃章訢也具述其夔旣而三舉不利慶歷間訢復到省題詩泗州嶺云十年三上未登科此去行期晝錦過上黨有人傳預計夔生頭角見天和遂於賈黯榜中第嘉祐二年訢子衡作大魁拆是年始得奏名

見津逮秘書

李遵勗生數歲相者曰是當以姻戚貴後尙萬壽公主仕至鎮國軍節度使

見摭言

李遵勗本名勗崇矩之孫繼昌之子真宗朝尚長公主  
御筆增爲遵勗升爲崇矩之子繼昌之弟自此爲例  
實亂人倫治平四年二月神宗皇帝手詔述英宗治  
命應公主出降其夫不升同父行蓋英家久欲釐正  
以病未果出命故神宗以遺命行可謂善述人之事  
矣

見燕翼  
貽謀錄

駙馬都尉李遵勗居第園池冠汴京嗜奇石募人載送  
有自千里至者構堂引水環以佳木延一時名士大  
失與宴樂遵勗爲駙馬都尉折節待士宗楊億爲童  
於第中築室塑像晨夕伸函丈之禮刻石爲記未幾

億卒

國老  
談苑

駙馬都尉李端愿居戚里最號恭慎旣失明猶戒勵子  
弟故終身無過時京師競傳州西二郎廟出聖水治  
病輒愈李素不事鬼神一日其子舍有病稚家人竊  
往請水李聞大怒卽杖其子且云使爾子果死二郎  
豈肯受枉法贓故活之耶若不能活又何求

見朱或  
可談

李端愿宮保支和長子治園池延賓客不替父風每休  
沐必置酒高會延侍從館閣率以爲例至人分寢閣

什物供帳皆不移具元直中會佳客坐中忽學士將  
鎖院孫巨源適當制頗快不欲去李飭侍妾取羅巾  
求長短句巨源援筆欲書從者告以將掩門矣草作  
數語云城頭尙有三菱鼓何須抵死摧人去上馬苦  
匆匆琵琶曲未終回頭腸斷處却更廉纖雨漫道玉  
爲堂玉堂今夜長李邦直在坐頗以卒章非佳語巨

源是夕得妾於玉堂後六日卒

南遊  
記舊

壽皇賜宰執宴御前雜劇救秀才三人首問第一秀才

仙鄉何處曰上黨人問次日澤州人問三日湖州人

又問上黨秀才汝鄉出甚生藥曰某鄉出人參次問

澤州者曰出甘草又問湖州者曰出黃蘗如何湖州

出黃蘗最是黃蘗苦人當時皇伯秀王在湖州湖州

故有此語壽皇卽日召入賜第奉朝請

見貴  
耳錄

梅庭老潞州學官蘇東坡以浣溪沙詞送之曰門外東

風雪洒韶山頭回首望三吳不應彈鋏爲無魚上黨

從來天下谷先生元是古之儒時平不用魯連書庭

老寒毡而能取重東坡其才學必有足觀者

見東坡  
詞集

元上黨人盧言嘗汲水適見一犬墜草澤中幾死救出飼

養遂無恙出入嘗隨之後適毫醉卧旅抵鄰店火發  
犬上牀嗥呼不醒啣其衣拽之言始覺遂免

見縣志拾遺

潞州守周幹臣有德政一夕宿屯留短檠膏盡燃以錦  
炬達旦不滅至潞止天慶觀燈復如前道者三吹光  
焰愈盛及巳時又與修撰傅岩輔飲出樽酒酌七十  
觥不竭遲明以水注之容不及半二事人皆異之王  
嵩作酒聖燈神記今石刻存三忠祠壁間

見舊通志

還山亭張養浩記本章秦國公於上黨先塋趾數百舉  
武其山之陽構亭曰還山志其退也

同上

明藩藩清源王府有小龍長尺許頭角鱗爪悉具而體已  
枯昔蕭江從狄煖前破蠻洞得一龍亦長尺許乃蠻  
人所養爲鹽龍也籍銀盤置玉盃中以玉筯據海鹽  
飲之每鱗甲出鹽則收取酒送一錢七王益元後蔡  
元度就其體舐鹽而龍乃死清源小龍亦得自海估  
意亦鹽龍乎

見野談

下水巷關帝廟舊止小閣與安慶王府相近一日王失  
印會皇四索忽報府墻下有一人睡卧印與銀俱在  
其旁呼至訊之曰本欲踰墻而走遇一赤面人用刀

背打下故不能去王赦之因建廟以報神惠

見拾遺

宗室振庵市得一雁羽毛摧落而聲甚哀憫而飼之踰時羽毛全矣忽雲中雁過與此雁相應而鳴聲漸急漸哀知其雌雄也縱之比翼和鳴徘徊良久而後去越歲二雁復來環振庵舍飛鳴若報主人使相知也是可愧世之棄故而背德者

正德中郡庠築化雨舍得石刻臨江仙詞曰自笑此身如夢何時了却營營夜闌風靜殺紋平小舟從此逝江海寄餘生詞佳字尤有風骨真東坡手筆也按宋

梅庭老任潞州學官東坡曾賜以詩此詞之刊或庭

老在任時所爲者乎

見潞志拾遺

栗道甫字說王浚川文文衡山小楷石僅六七寸世稱

雙絕

見潞志拾遺

邑人王體吾與諸友釀飲五龍山治具而忘其箸乃各以簪代食畢隨意取坐旁草拭其膩體吾所冠爲銅簪比明日視之其半已成銀矣急行山上原坐處徧取草試之竟不可得可見太行之山常有死汞之草但人不能識無緣以遇之耳

李敏德歸公有光送吳郡段別駕序曰崑山令缺栗侯  
永祿任侯環李侯敏德皆以蘇州別駕來署縣而二  
公皆上黨同邑而未知其爲同榜也庚子建坊曰十

鳳洵十鳳哉

見歸震川文集

五馬秋征卷程存軒公赴睢州刺史藩藩諸宗老所贈  
也雲崖雲峯雲溪雲岫雲洲雲川雲階雲澗龍川恕  
菴南岑南峯樂軒敬軒蘭軒誠軒素軒介軒敏軒遜  
軒平軒順軒立軒豫軒省軒易謙易恒凡二十七人  
皆當時名士郡王則鎖康西岩安慶西池薦紳則栗  
公習川李公養虛高僧則懶雲明周人各一詩而誠  
軒序焉易恆繪焉時逾百年完好如故一展卷間而  
太平文物之盛師友道義之真俱和盤托出矣

見臨志拾

遺

皮豹章孝義教諭煥斗李公弟子也貧窮無聊跳人賈  
掌煤窰中側有一屍衣冠烏襪頗整豹章冷剥而着  
之絕粒三四日屍以憂告曰予捉馬村人與家人角  
口憤死於是妻子不知君數明日當出須告尋家叔  
葬否必崇汝次日果有田父過呼而得上前屍亦獲

屯突更名豹變遂賦子衿

見路志拾遺

萬歷十六年郡中荒疫郡守李公杜悉心拯救城中死者尚三萬人先是公在郎署憂上官移文取十萬人公爭之減去五萬再爭更減去二萬又爭不復減矣次日治郡命下尙未省憂中事及抵郡值荒且疫乃請蠲請賑乞糴於鄰壤爲粥以食餓者又圖犯盜受刑狀以警曉愚民嚴禁搶掠民甚感寧死無竊者計四門出飢疫如前數始悟憂中事即治郡事非公拯救死者當不止此公所憂中爭者皆治郡所全活者也君相造命信哉

郡之東南五龍山多松數百年來人無敢伐者僧真果俗姓馬假修廟砍伐私賣易驛十數竟取脚利積錢百餘緡將還俗託婚偶暴疾而卒是日申庄民家產一驢踏地作人言曰我五龍山馬和尚也夫伐神樹得惡報可深懼哉

國朝馬總戎聲作童子時晝寢夢一偉丈夫至自稱馬寶與之百戰勝負不分後得一畫戟乃勝寶及游擊荆州與吳逆兵對壘所分戰地其帥果爲馬寶寶爲逆

之梟將相持二三年戰凡百餘次寶亦服正希之勇  
後寶成擒送京師伏法正希受知 廟堂兩行召對

賜龍旂御馬其功名自少已定矣

見潞志拾遺

真武廟殿後有八仙洞其地幽僻邑人多不知也乾隆

九年鄉民柴姓貿易河南旅店抱病遇一道人醫之

一藥而愈謝不受謂柴曰吾呂姓與汝同鄉任郡城

北門真武廟後洞柴旋里訪之內無此人始知為呂

仙也由是傳聞禱者多驗

以上異聞

解農之後皇帝封其支子於潞州志以為即潞子嬰兒

國非也嬰兒赤狄別種晉文公時始散居於晉鄙其

後奪黎地而居之前此未入潞境也黃帝所封在唐

虞前嘗另是古諸侯非潞子

以丁辨證

銅鞮宮府志曰一名虎祁宮晉平公築五行志內謂晉

侯築虎祁之宮宮去絳都四十里師古注曰虎祁在

絳西臨汾水則虎祁不在上黨了然矣志入襄垣已

誤於長治則更無屬焉舊志首入古蹟或未之詳乎

今刪去

陳龜舊志皆稱上黨人考之漢史上黨涇氏人也今割



去爲高平縣人矣因祠鄉賢故存

長治壺關辨 秦置上黨郡治壺關城漢治長子城前

漢壺關註云有羊腸阪卽黎亭是後漢註云文王戡  
黎卽此又引上黨記曰東山在城東魏地志註董卓  
亂治壺關城慕容儁治安民城後遷壺關城皇始元  
年遷治安民真君中復治壺關隋開皇初廢上黨郡  
有壺關縣大業初復置郡廢壺關入上黨唐武德四  
年析上黨置壺關有啟聖宮有瑞閣有五龍山馬駒  
山宋以後皆名上黨別置壺關明初省入潞州嘉靖  
七年升州爲府十年乃置長治附郭今壺關在府治  
東二十五里蓋長治卽隋唐以後之上黨縣上黨卽

古壺關也

見通志

壺口衡漳舊志以爲卽書所稱壺口衡漳非也書稱旣

載壺口治梁及岐旣修太原至于岳陽覃懷底績至

于衡漳此治河之大勢由河東河內以至河北皆河

水經由之地壺口在河東屈縣今隰州所屬衡漳在

清濁交濟之後今磁州臨漳地是也潞之壺口山名

偶同所謂衡漳乃導漳之始非治河之中雖皆禹蹟

地實不同

慕容廟舊志以爲慕容瑋未之考也廟碑甚明乃慕容永僭都長子爲慕容垂所敗走死郡西張村土人哀而葬之爲立廟元文宗朝禱雨偶應民請追贈下太常議博士王瓚以當時晉室未亡諸竊據不宜稱帝乃降封隴西王故稱隴西王廟云墓在其傍

靈泉山郡志謂在郡東南三十里舊志謂在東南十里今查十里曰秋谷山有一窟曰龍洞淺甚且無泉歲旱民自山下挑水灌之灌滿卽雨三十里有仙泉山山半有泉歲旱祈禱與郡志合則舊志誤矣

張宗衡於崇禎六年任總督兵部以晉賊之急有三西在平陽東在澤潞西北在汾太沁遼議督臣張宗衡駐平陽任東西二賊所將自安虎大威之四千人以平陽澤潞四十一州縣責之加以李卑兵一千賀人龍兵一千左良玉兵二千五百共八千人撫臣許鼎臣駐汾州任西北之賊所將張應昌苟伏威之二千人以汾太沁遼三十八州縣責之加以史記頗希牧兵一千艾萬年兵一千五百寧武兵一千岢嵐代州

北接利民馬站老營兵二千共七千人於是總督張  
 宗樞提陽和兵從澤州潛師尾賊後至於陵川勝之  
 再擊賊於潞州之西和大勝之斬首二千級夫思陵  
 五六年間妖氛雖熾而元氣尚存苟令不吝金錢廣  
 招技勇寇可一鼓擒也乃以全晉要壤僅以萬五千  
 人枝梧砥柱於其間見小利而廢大事亦何啻杯水  
 救車薪火乎

西和之捷故許之

見潞志拾遺

志未載

靳聖居字淑孔通志人物內作長治人任慶陽推官死  
 闖賊之難名宦內作長垣人由進士歷任潞安推官  
 講慶陽死節併年代與人物內相同潞志拾遺亦作  
 長治人及查郡縣志人物名宦內俱無是人竊以通  
 志必有所據而拾遺遺棄之陝志何志郡縣者獨未  
 之聞耶因附著於此以俟博古者辨之

摩雲寺在佛耳山翠雲寺在山下舊志以為城東北十  
 五里查東北十五里曰佛兒坪上舊有玉皇廟下有  
 百穀寺並無所謂摩雲翠雲者今查城東南五十里  
 大峪鎮有佛耳山二寺在焉山與壺關共故壺關志

長治縣志 卷之二十八  
亦載舊志以佛兒坪當之誤矣

書長治縣志後

吳明府以纂修邑志之役見召而余至長治考舊志修於康熙十二年則武昌姜君實蒞茲土也其前六年任纂修者則湘中丁君也余亦楚人乃今得與茲志事則楚與茲邑毋亦有夙因矣乎聞之紀事之文昉於尚書編年之文昉於春秋此論其大致然耳其實以後人而欲追踪於前哲蓋憂憂難之况愴實不才曷敢擬此又聞志與史一而二二而一者也指陳之內隱寓論斷則志通於史褒譏之內亦貴詳明則史

通於志二也仍一也然志以徵實爲主詳於美而畧於穢史以定論爲宗揚其清亦激其濁一也仍二也茲所修者志焉耳史云乎哉或曰今所傳廿一編之書業已統名曰史志何必非史哉予曰卽以志爲史焉是不過晉之乘也亦如楚之檮杌也皆無異於孔子未修之春秋也夫春秋當未修時吾烏知其必愈於馬遷及歐陽五代史與朱子綱目涑水通鑑哉惟信史良史不可多得則史或反不如志也班固之志萬不及尙書而後人無以過之如陳壽三國贈炙人口而大義有乖不無遺議下此者勿論已然究不能以其修之有未盡善遂舉諸書而盡廢之者何也良以徵文獻而資見聞志之所關繫者爲甚大也今以一邑之建也疆域分焉戶口列焉天光之所照臨地德之所承載兵刑錢穀之所主轄風俗事蹟之所向導官斯土者不可不察其得失生斯土者不可不悉其流源顧得以班氏不復生而志可勿問哉長治志書久未續修有其舉之莫敢廢也是

賢有司之良法美而都人士之公心盛舉也是

聖天子治具光華而網舉目張之一大徵驗也余楚俗也得側於諸同人以襄盛事固與有榮施焉而尤恐貽羞於姜君子君兩前輩也庶幾哉當太史輜軒之採無或問俗而遺其鄉值名卿贈答之場不至數典而忘其祖乎是爲序時在

乾隆二十八年癸未蒲月楚江黃蔡履豫謹撰



原跋

今夫五方之風俗尙異宜因而醇駁亦判在昔畫疆而治各以其俗貢之天子十五國之風至今可考焉自陳詩之典廢所以晰星野而記輿圖攬山川而稽土田適建置而觀沿革考政教而審民俗鏡人物而披典章惟邑志是賴耳然而其事無關考課所以治者雖才優製錦亦祇拮据於簿書錢穀間而修文考獻之事往往不暇及焉

長治邑侯西巖姜先生以三楚名流起家蒞榜由司理


改令茲土六年之間廢者興弊者革政成化洽風教  
釐然畢舉且鳴琴之暇留心邑乘述往事參新聞於  
遺編故老靡不旁搜而廣攬之適值

功介纂修通志在舉行者方事搜羅而先生出其夙昔考  
求者以摩定之是邑之星野輿圖皆先生之觀文察  
變所諳諗者也邑之山川土田皆先生之纂帷露冕  
所閱歷者也邑之建置沿革皆先生之酌古準今所  
會通者也邑之政教風俗皆先生之宣德達化所移  
易者也邑之典章人物皆先生之雲漢圭璋所振興  
者也斯志一出可以法今可以傳後可以奉爲章程  
可以勒爲典訓豈僅摛辭揆藻徒飾觀美聽而已哉  
齋數載寒穉夙在栽培之下沐浴大雅者有年矣竊  
謂從來號稱良吏者文章政事兼脩爲難所以龔召  
不以著作名班馬不以政績著若先生者可謂兼之  
矣於以模楷當時潤色盛治豈俗吏之所可望哉志  
成敬焚香拂几而讀之知邑志雖多若簡而文質而  
確堪垂不朽者惟斯志爲莫加焉故樂得而揚扞之  
如此

康熙歲在癸丑陽月吉辰潞安府儒學署教授王良  
潞敬題

25100





原件收藏

山西省图书馆

原件书号

25091-100

原件状况

原件有部分有污迹

原件个别地方破损

原件个别地方字迹模糊

[乾隆]長治縣志二十八卷首一卷末一卷

(清)吳九齡修 蔡履豫纂

清乾隆二十八年榮暉堂刻本  
十冊

本部书共摄制 2 卷

1. 首一卷卷一至卷十二
2. 卷二十三至卷二十八末一卷

版权所有

不准复印

# 本部书完

本片卷含： 卷二十三至卷二十八末一首